


宋史新編 傳世二之六



廿七


		五	漢
		二	書
		〇	門
		二	
五	四		
九	二		
冊	架	函	號
			類

庫文閣内			
三	五		漢
六	一		書
〇	〇		
九	三		
架	冊	號	類

内閣文庫		
番號	漢	5103
冊數	59 (26)	
函號	286	75



綴じ部(喉部分)の文字など開きが不鮮明な箇所あり



宋史新編卷八十

列傳二十二

明南京戶部主事莆田柯維騏編

馬全義 子知節

雷德驥 子有終 孫孝先

王超 子德用

馬全義幽州薊人李守真鎮河中召置帳下守真叛周祖討之全義每率敢死士夜出攻周祖壘多殺傷城陷變姓名亡命周世宗鎮澶淵全義往事之從世宗入朝周祖召見補殿前指揮使謂左右曰此人忠於所事昔在河中屢挫吾軍汝等宜效之累遷鐵騎左第二軍都校領播州刺史宋初數遷擢從征李筠飛矢貫臂流血

被體拔鏃臨敵士氣益奮遂克其城從征李重進亦有功遷至龍捷左廂都校領江州防禦使卒年三十八贈檢校太保大同軍節度使子知節

知節字子元太宗時以蔭補供奉官賜今名年十八監彭州兵衆憚之如老將又監潭州兵累遷西京作坊使知梓州李順之叛詔與劉繼恩同討賊繼恩惡知節不付已遣守彭州付以羸兵三百彭之奮卒悉召還成都賊衆十萬攻城知節力戰自晨抵晡士多死慨然嘆曰死賊手非壯夫也卽橫槊潰圍出遲明援兵至復鼓謀入賊遂潰去帝嘆曰賊衆我寡知節不易當也授益州

鈐轄加益漢九州都巡檢使遷內園使會韓景祜帳下劉盱脇牙兵爲亂知節領兵追擊殺之無噍類咸平初領登州刺史知秦州州嘗質羌酋支屬餘二十人踰二紀矣知節曰羌亦人耳豈不懷歸悉遣之羌人感之訖終更不犯塞遷西上閣門使知益州兼本路轉運使徙知延州兼鄜延駐泊部署邊寇將至方上元節遽命張燈啓關累夕宴樂寇不測卽引去徙知鎮州車駕在澶淵王超擁兵數十萬也真定逗留不進知節移書謂讓之超始出兵猶以中渡無橋爲辭知節預命度材一夕而且景德中徙知定州未幾擢至簽書樞密院事是時

大臣方言符瑞而知節每不然之嘗言天下雖安不可
忘戰自陳年齒未衰五七年間尚可驅策如邊方有警
願預其行但得副都部署名及良馬數匹輕甲一聯足
矣上以爲然因命製鋼鐵鎖子甲以賜焉進宣徽北院
使加兼樞密副使時王欽若爲樞密使知節遇事敢言
未嘗少屈每廷議得其不直輒面詆之歷知天雄軍召
拜宣徽南院使知樞密院事以疾乞罷除彰德軍留後
知貝州兼部署將行真宗閱其癯瘁止命歸鎮未幾卒
年六十五贈侍中謚正惠知節慷慨以武力智謀自許
又能好書賓友儒者論事嘗嘗人稱其正直云

雷德驥字善行同州人周廣順進亡宋初歷屯田員外
郎判大理寺其官屬與堂吏附會宰相趙普擅增刑名
因求見太祖白其事未引對直請講武殿辭氣俱厲太
祖怒黜商州司戶叅軍知州奚嶼希普旨倨受庭參德
驥不能堪出怨言嶼銜之有言德驥爲文訕上者嶼給
其家人取得之卽械繫德驥具狀聞太祖貸其罪削籍
徙靈武數年其子有鄰擊登聞鼓訴中書不法事普由
是出鎮河陽召德驥爲祕書丞歷度支判官太平興國
中爲兩浙轉運使遷右諫議大夫雍熙二年徵歸朝同
知京朝官考課初帝謂宰相曰自今令德驥錄京朝官

履歷功過之狀引對既得漸識羣臣擇才委任且使有
官政者樂於召對負瑕累者恥於顧問可以爲懲勸矣
端拱初遷戶部侍郎未幾普再入相宣制之日德驥方
正班不覺墜笏遽上疏乞歸帝慰諭賜金罷知考課止
以本官奉朝請會議事尚書省德驥乘酒叱起居員外
郎鄭構爲盜御史奏劾第罰月奉訖普出守西洛帝終
保全之淳化二年爲其堦如京副使衛濯訟有鄰子祕
書省校書郎孝先內亂帝不以孝先屬吏詔除名配逐
州德驥亦責授感德軍行軍司馬並其子少府少監有
終責授衡州團練副使德驥慙憤成疾三年卒德驥
文承頗以強直自任性褊躁多忤物不爲士大夫所與
有鄰開寶中舉進士不第其父既竄靈武意宰相堦
擠抑之時堂後吏胡贊李可度在職歲久或稱其請託
受賕而祕書丞王洞與德驥同年登第有鄰每造謁多
以家事委之一日洞令市白金半挺因曰此令吾子知
要與胡將軍蓋謂贊也時又有詔應攝官三任詳由全
者許投牒錄用有鄰素與前攝上蔡主簿劉偉交知偉
一任失其解由偉造僞印得試遇銓遂具章告其事有
鄰出入贊家故其事多實獄具偉棄市洞除名贊可度
仍籍其家有鄰授祕書省正字自是累疏密告人陰事

宋史卷一百一十一
四
俄被病白晝見偉入室以杖箠其背有鄰號呼聞于外
數日死賜德驤錢十萬給喪事

有終字道成以蔭補漢州司戶參軍署萊蕪尉知監劉
祺頗易其年少有終發祺姦賊坐流海島以有終代之
太宗聞其名遣內侍伍守忠同掌監事察知彊濟亟詔
爲大理寺丞歷知諸州遷至少府少監坐衛濯獄貶旋
召用久之復舊官知江陵李順之亂王師西征命與裴
莊爲轉運使同知兵馬事調發規畫皆有節制師行至
峽中遇盜格鬪進至廣安軍壘瀕江三面樹柵會夜陰
賊奄至鼓操舉火士伍恐懼有終安坐櫛髮自若賊

圖既合引奇兵出其後擊之賊衆驚擾赴水死無算就
拜右諫議大夫知益州俄兼同招安使賊平歷知并州
遷給事中真宗加工部侍郎還知審刑院俄授戶部使
咸平三年益州奏神衛戍卒以正月朔日竊發害兵馬
鈐轄符昭壽擁都虞候王均爲亂逐知州牛冕遂拜有
終瀘州觀察使知益州兼川峽兩路招安捉賊事御廚
使李惠洛苑使石普供備庫副使李守倫竝爲招安巡
檢使又以洛州團練使上官正西作坊使李繼昌分充
州峽都鈐轄崇儀副使高繼勳王阮竝爲益州駐泊都
監供奉官孫正辭爲諸州都巡檢使均率衆陷漢州進

宋史紀事本末卷八十一
五
攻綿州旬日不能下趣劔門先是知劔州秘書丞李士
衡度寇必至悉徙官帑保劔門焚其倉廩已而賊果至
士衡與劔門都監裴臻逆擊之斬首數千級賊眾還保
益州知蜀州供奉官楊懷忠聞變即調鄉丁會十一路
巡檢兵刻期進討時均尚留劔門與賊將魯麻胡戰數
合懷忠兵勢不敵敗績二月再攻益州懷忠與轉運使
陳緯三路分兵抗之乘勝逐至益州南十五里砦于雞
鳴原以俟王師均亦閉成都東門以自固是月有終等
至賊出攻砦有終擊走之一日均開城偽為遁狀有終
與上官正石普徑入官軍分剽民財部伍不肅賊閉關
發伏因為所殺有終等緣堞而墜李惠死之退保
四月賊由升僊橋分路來寇有終率兵逆擊大敗之均
單騎還城有終遣其子奉禮郎孝若馳奏孝若因言嘗
習武藝願改杖以効即補供奉官俄以刑部員外郎馬
亮為轉運使國子博士張志言副之供備庫副使張昞
為綿漢都巡檢使有終與石普屯城北門之西高繼勳
張昞孫正辭攻城東上官正李繼昌王阮攻城西楊懷
忠與巡檢殿直馬貴攻城南賊將趙延順中流矢死又
遣其黨丁重萬立城門上官軍射之殪每攻城輒會雨
滑不能上官軍及丁夫為洞屋以進賊鑿地道出掩溺

壕中死者千餘軍勢小衄是月詔洛苑使秦翰爲兩川
捉賊招安使有終與翰叶議於城北魚橋又築土山八
月克城北羊馬城遂設鴈翅敵棚覆洞屋以進逼羅城
九月城北洞屋成賊對設敵樓以抗官軍有終遣卒焚
之賊自是銷沮有終先遣東西南砦鼓譟攻城有終與
石普分主洞屋以進遂入城是夕二鼓均與其黨二萬
餘南出萬里橋門突圍遁有終遣懷忠領虎翼軍追之
後二日石普繼往以全軍爲後援十月均至富順其將
校以筏度江趨戎瀘蠻境朝廷每歲孟冬朔詔富順監
具酒肴犒內屬蠻酋是日裁設具而均黨適至皆食焉
聞懷忠追騎將至均心易之懷忠距富順六十里於楊
冢市少憩賊衆在後者邀戰懷忠語左右曰縱賊度江
後悔無及聞石侯將至當以奇兵取之乃臨江列陣擊
之餘黨散走溺死甚衆懷忠張旗鳴鑼入城均方在監
署中其衆多醉均窮蹙縊死虎翼軍校魯斌斬其首詣
懷忠禽其黨六千餘人逆徒殲焉初神御軍之戍成都
者以均及董福分二指揮領之既殺昭壽都巡檢使劉
紹榮昌刀格鬪或欲奉紹榮爲帥者紹榮攝刀罵曰汝
亟殺我我肯負朝廷哉衆未敢動監軍王澤與均適至
乃謂均曰汝所部爲亂盍自往招安均既往衆卽擁之

為主紹榮自經死均僭號大蜀改元化順署置官稱設
貢舉以張錯為謀主云賊既平有終加保信軍節度觀
察留後秦翰等遷秩有差是役也懷忠之功居最再遷
崇儀使領恩州刺史有終後知永興軍府徙秦州景德
初徙并代副都部署丁內艱起復契丹入寇上幸澶淵
受詔率所部由土門抵鎮州與大兵會既而王超桑贊
逗撓無功唯有終赴援威聲甚振契丹脩好命還中
所就判并州召拜宣徽北院使檢校太保卒年五十九贈
侍中有終沈敏善斷不畏強禦輕財好施豐於宴犒奉
身甚薄常所御者銅鞍勒馬而已身沒之日宿負不啻
半萬官為償之王繼英在樞密忌其進用屢言其為
厚費以收士卒心真宗不之信卒保護焉

孝先字子思舉進士以衛濯訟除籍後歷太常寺奉禮
郎隨季父有終討王均以功改將作監丞李繼遷陷靈
州軍費多出於民孝先請募商入粟償以茶鹽召對稱
旨命馳驛陝西與轉運使鄭文寶規畫後多施行累遷
屯田員外郎知興元府坐保任失實降通判華州徙知
鄆州宰相寇準舉換內園使知貝州以事謫澤州都監
至領軍衛大將軍昭州刺史分司西京卒子簡夫
簡夫字太簡隱居不仕樞密使杜衍薦召以祕書省校

宋史新編卷八
書郎簽書秦州觀察判官公事既罷居長安自以處士
起不復肯隨衆調官多為岐路求辟薦時三白渠久廢
京兆府遂薦治渠事知坊州徙閬州用張方平薦知雅
州累遷職方員外郎卒簡夫始起隱者出入乘牛冠鐵
冠自號山長關中用兵以口舌押闔公卿既仕自奉
驕侈里閭指笑之曰牛及鐵冠安在

王超趙州人弱冠長七尺餘太宗尹京置麾下卽位謀
御龍直累遷河西軍節度使殿前都虞候真宗以翊戴
功加檢校太傅領天平軍節度咸平初歷帥永興軍守
相言超材堪將帥遂以超帥定州路行營王繼忠副之

王加鎮定高陽關三路都部署又加開府儀同三司檢
校太尉六年契丹大人超召鎮州桑贊高陽關周瑩率
兵會定州瑩以非詔旨不至契丹圍望都超贊率兵赴
之陣于縣南六里繼忠在陣東偏契丹出其背遮絕糧
道人馬乏困繼忠馳前與契丹戰超贊遂旋師繼忠孤
軍沒焉景德初上巡澶淵召超赴行在復緩師期契丹
遂深入罷超三路帥為崇信軍節度使徙知河陽又移
鎮建雄知青州卒再贈尚書令謚武康超為將善部分
御下有恩然臨軍寡謀拙於戰鬪子德用
德用字元輔初以超蔭補衙內都指揮使至道二年分

宋史新編卷一百一十一
五路兵擊李繼遷超帥兵出綏夏德用年十七為先鋒
將萬人戰鐵門關斬首十三級進師烏白池他將多失
道不至虜銳甚超按兵不進德用請乘之得精兵五千
轉戰三日敵勢却德用曰歸師迫險必亂乃領兵距夏
州五十里絕其歸路下令曰亂行者斬一軍肅然超亦
為之按轡繼遷躡其後左右望見隊伍嚴整莫敢近超
撫其背曰王氏有子矣累遷殿前都虞候步軍副指揮
使歷桂州福州觀察使章獻太后臨朝有求內降補軍
吏者及崩有司請衛士坐甲德用皆不奉詔仁宗閱太
后閣中得德用奏奇之以為可大用拜檢校太保簽書
樞密院事遂為副使久之遷知院加檢校太尉歷宣武
軍節度使宣徽南院事趙元昊反德用請自將討之不
許德用狀貌雄毅面黑頸以下白晝言者論德用貌類
藝祖御史中丞孔道輔繼言之遂罷為武寧軍節度使
徐州大都督府長史有言德用市馬於府州者驗之不
實言者猶不已降秩知隨州州置判官家人皆惶恐德
用舉止言色如平時徙知曹州或謂曰孔中丞害公今
死矣對曰中丞言官豈害我者朝廷亡一忠臣可惜也
起為保靜軍節度觀察留後知青州改澶州契丹求復
關南地以兵壓境帝慰勞曰河北方警藉卿鎮撫之又

賜手詔慰勉拜保靜軍節度使再徙定州路都總管日
訓練士卒義之士殊可用契丹使謀者來覘歸謂漢兵
將大入既而復議和拜同中書門下平章事判澶州徙
鄭州封祁國公還為會靈觀使德用素善射雖老不衰
侍射瑞聖園一發中的再發又中賜襲衣金帶加檢校
太師復判鄭州徙澶州改集慶軍節度使封冀國公皇
祐三年上疏乞骸骨以太子太師致仕德用以恩撫下
故多得士心雖屢臨邊境未嘗親矢石督攻戰而名聞
四夷閭閻婦女小兒皆呼曰黑王相公帝嘗遣使問邊
事德用曰咸平景德中賜諸將陣圖人皆死守戰法
德用不相救以至屢敗誠願不以陣圖賜諸將使得
出奇自立異効帝以為然德用雖致仕乾元節上壽預
班廷中契丹使語譯者曰黑王相公乃復起耶帝聞之
起為河陽三城節度使同中書門下平章事判鄭州至
和元年遂以為樞密使命入謁拜明年富弼相契丹使
耶律防至德用與防射玉津園防曰天子以公典樞密
而用富公為相將相皆得人矣帝聞之賜弓矢後封魯
國公求去位至六七乃以為忠武軍節度使景靈宮使
又以為同羣牧制置使卒年七十九贈太尉中書令諡
武恭子咸融至左藏庫使眉州防禦使

論曰馬全義當開國初有戰功而年弗永王超聞儒非
閩帥材雷德驤強直自喜無樹立彼皆蒙人主知遇竟
不至崇顯有由也然馬之子知節雷之子有終王之子
德用竝能自奮取將相勒勳帝籍為閥閱光易曰有子
考無咎此之謂乎

王繼忠

傅潛張昭附戴興

王漢忠

王能

張疑

魏能

陳興

許均

張進

李重貴

呼延贊

劉用

耿全斌

周仁美

王繼忠開封人補東西班殿侍事真宗藩邸以謹厚被
親信即位累遷殿前都虞候高陽關副都部署
咸平六年與大將王超等禦契丹於望都陷焉事在超
傳中初謂已死優詔贈恤景德初契丹請和令繼忠奏
章乃知其尚在朝廷從之自是南北戢兵繼忠有力焉
繼忠表懇召還上以誓書各無所求賜詔諭意契丹主
遇繼忠厚歷左衛上將軍封楚王賜姓耶律又改名宗
信後拜樞密使致仕卒子懷玉亦仕契丹至防禦使
傅潛冀州人事太宗藩邸即位隸殿前左班擢至侍衛
馬步軍都虞候領武成軍節度至道中為延州路都部
署改鎮州真宗即位領忠武軍節度數月召還咸平二

年復出爲鎮定高陽關三路行營都部署契丹大入邊
檄告急潛麾下步騎凡八萬餘潛畏懦無方略閉門自
守將校請戰者則醜言罵之無何契丹破狼山砦悉銳
攻威虜朝廷屢問道遣使督會諸路兵合擊范廷召桑
贊秦翰亦屢促皆不聽廷召等怒因詬潛曰公怙怯乃
不如一嫗爾張昭允又屢勸潛潛笑曰賊勢如此適挫
吾銳氣耳然不得已分騎八千步二千付廷召等於高
陽關逆擊仍許出兵爲援及戰而潛不至康保裔遂戰
死車駕將親征又命石保吉等領前軍赴鎮定與潛會
潛追遁不發致敵騎深入劫人民焚廬舍上大怒遣高
正騎卽軍中代之潛下御史府獄具上貸其死詔卽
官并家屬長流房州籍沒貲產後起至判左金吾街仗
卒張昭允者字仲孚衛州人以父乘蔭試大理評事潘
美妻以女奏換右班勳直累遷西上閣門使河西馬步
軍鈐轄屯石州會計李繼遷王超出夏綏州路領後陣
超深入數百里道阻糧絕昭允以所部援之戎人大敗
真宗卽位以昭允章懷皇后姊壻頗被親信咸平二年
命爲鎮定高陽關行營馬步都鈐轄與傅潛同削官長
流道州起歷右神武將軍卒

戴興雍丘人美髭髯眉目如畫太宗在藩邸興詣府求

見奇之留帳下卽位累爲邊將有功遷至殿前都指揮使定武軍節度西北未平徙夏州路行營都部署知州事時五路討李繼遷與所部深入千餘里不見賊會太宗崩三上表求赴國哀不俟報上道坐左遷咸平初知京兆府卒贈太尉

王漢忠字希傑彭城人少豪蕩形質魁岸得事太宗藩邸卽位以軍功歷諸州副都部署遷至殿前都虞候真宗卽位自中山召歸俄復出爲高陽關都部署進領威塞軍節度改領保靜軍又爲邠寧環慶兩路都部署李允正末沆爲鈐轄領戍兵二萬五千人委漢忠分道

制數月召還坐違詔無功責降知襄州未上道卒贈太尉漢忠有識略軍政甚肅每行師詰旦必行香祝曰願軍民無犯吾令違者一毫不貸故所部無盜性剛果不務小節輕財樂施好讀書待賓佐有禮名稱甚茂以是自矜尚羣帥不悅漢忠沒後子從吉詣闕訟父寃因歷詆羣臣付御史獄具伏乃進士楊逢爲之辭從吉坐除名配隨州逢杖配春州

王能定陶人以事太宗晉邸被擢用真宗卽位自捧日右廂都指揮使出爲濟州團練使知靜戎軍初真宗詢軍校勤勇者委以方面因語宰相曰聞王能魏能頗宜

力公家陳興張禹班亦有聲于時才固難全拔十得五
亦有助也景德初擢本州防禦使與魏能張凝並命出
爲邢洛路都部署累遷侍衛步軍都指揮使領保靜軍
節度代還以疾累表求解制授彰信軍節度罷軍職赴
鎮以地近其鄉里寵之也卒年七十八贈太尉

張凝滄州人少有武勇事太宗藩邸卽位爲邊將遷至
六宅使真宗時累有破契丹功遷至趙州刺史歷邠寧
環慶靈州路副部署兼安撫使時斤峽數擾凝率兵入
敵境生擒賊將燒蕩三百餘帳斬首五千級慶州蕃族
胡家明等桀黠難制凝因襲破之又熟戶與生羌錯居

境復安加寧州團練使景德初遷本州防禦使定州路

行營副部署徙保州駐泊又兼北西安撫使契丹受盟
歸所過猶侵剽遂以爲緣邊安撫使提兵躡其後契丹
不敢肆改高陽關部署以勞加殿前都虞候卒贈彰德
軍節度凝忠勇好功名善訓士卒賞賜多以犒士家無
餘貲京師無居第真宗詔厚恤其家官給葬事

魏能鄆人由雲騎卒散員左班都知太宗稱其材勇
累遷馬步軍都軍頭真宗拜黃州刺史已爲鎮定高
陽關二路前陣鈐轄又加鄭州團練使復任威虜軍契

丹入寇能屢敗之改威虜軍部署知軍事士民詣闕乞
 留詔嘉之徙莫州路部署景德初以破敵功賜袍帶未
 幾召拜防禦使復為寧邊軍路部署詔推能果略再任
 以威虜使副精兵伺敵動止會詔能與張凝領偏師分
 道入幽易牽制契丹之勢能畏懦不前且不戢所部徙
 屯定州及遣疑躡迹北行能羸險自度無功心愧多怨
 辭以訕聞朝議謂剛猾少檢不可專任乃命紘政敏為
 鈐轄俾同職焉明年師還坐退縮失期師旋不整貶歷
 右驍衛大將軍號州都監累遷加領康州團練使卒
 陳興澶州人開寶中隸御龍右直太宗累遷御龍弩直

陳興澶州人開寶中隸御龍右直太宗累遷御龍弩直
 翰領兵抵鎮戎軍掩擊蕃寇章埋族帳斬獲甚衆詔書
 嘉獎繼遷所部康奴族往歲鈔劫靈州援糧恃險與眾
 尤桀黠難制復與秦翰等合眾進討窮巢穴盡獲器畜
 焚掘其窖藏復詔褒之累遷龍神衛四廂都指揮使領
 登州防禦使出為邠寧環慶路副都部署兼知邠州坐
 事罷軍職改徐州防禦使知懷州卒
 許均開封人由龍捷卒為武騎十將累功遷至第三軍
 指揮使咸平中歷磁州刺史涇州駐泊部署數月知鎮
 戎軍真宗以其不明吏治用曹瑋代之徙邠州駐泊部

宋史紀事本末卷之二十一
署改永興軍部署車駕將巡澶淵詔均同提總諸州巡
檢捕盜事時有王長壽者聚徒百餘抵陳留剽劫均以
方略誘之生擒長壽斬獲惡黨皆盡擢本州團練使尋
出知代州代還卒幼子懷德有傳

張進曲阜人拳勇善射應募隸鎮兵太祖奇進才力補
控鶴軍歷事太宗真宗累遷侍衛步軍都虞候鎮州副
部署徙天雄軍會詔塞鄆州決河屬進董其役月餘畢
工詔褒之移并代副都部署李繼遷寇麟州州將遣單
介間道乞師太原諸將猶豫未決進獨抗議發兵赴援
既至而圍解手詔褒美未幾卒

李重貴河陽人姿狀雄偉善騎射事太宗藩邸即位補
禁衛累遷右廂都指揮使歷代并副都部署真宗即位
加本州防禦使徙高陽關行營副都部署契丹南侵議
屯兵楊疇張凝領先鋒遇敵重貴率策應兵酣戰全軍
而還范廷召自定州至遇契丹與戰康保裔大陣為敵
所覆重貴與凝赴援腹背受敵自中至寅疾力戰敵乃
退時諸將頗失部分獨重貴與凝全軍還屯凝議上將
士功狀重貴喟然曰大將陷沒而吾曹計功何面目也
上聞而嘉之歷知鄭州以左羽林軍大將軍致仕卒
呼延贊太原人少為驍騎卒太祖以材勇署遷錄功補

身史系終卷八十一
副指揮使太宗稍遷內員寮直都虞候加馬步軍副都
軍頭嘗獻陣圖兵要及樹營砦之策求領邊任召見令
之作武藝贊具裝執韃馳騎揮鐵鞭棗槊旋繞廷中數
四又引其四子以入迭舞劍盤槊賜白金數百兩及四
子衣帶又加都軍頭歷領拱州刺史加康州團練使真
宗嘗補軍校皆敘已功或至謹譁贊獨進曰臣月奉百
千用不及半忝幸多矣自念無以報國不敢更求遷擢
將恐福過災生再拜而退衆嘉其知分未幾卒贊驍悍
輕率常言願死於敵徧文其體為赤心殺賊字至於妻
孥僕使皆然諸子耳後別刺字曰出門忘家為國臨陣
忘死為主性復鄙誕不近理盛冬以水沃孩幼其長
能寒而勁健其子嘗病贊割股為羹療之

劉用相州人曉音律善騎射事太宗晉邸卽位補軍職
累遷捧日都指揮使高陽關副都部署真宗時烽候數
驚用建議益邊兵俟其南牧卽率驍銳出東路以牽制
其勢因圖上地形上召宰相閱視可其奏未幾換鎮州
副部署景德初為邢州部署車駕北征用以城守之勞
進爵邑歷知齊陳潞三州卒

耿全斌信都人太宗在藩邸全斌候拜中衢自薦材幹
得召試以善左射隸帳下卽位補東班承旨再遷日騎

副兵馬使雲騎軍使屯瀛州與契丹戰馬兩中流矢死
凡三易乘戰不却契丹爲引去端拱初擊蕃部于宥州
敗之累轉殿前左班都虞候馬步軍都軍頭真宗嘗召
問邊事全斌口陳利害甚稱旨因謂輔臣曰觀其詞氣
若有志操宜以邊郡試之遂拜雄州刺史知深州徙石
隰部署以備河西俄知安肅軍嘗繪山川險易爲圖以
獻契丹來侵自山北抵河許全斌遣子從政焚橋砦分
率精兵擊走之改冀州刺史高陽關鈐轄擢從政爲侍
禁寄班祗候東封以爲濮州鈐轄還京師卒

周仁美深州人初隸貝州驍捷軍關南李漢超選備給
使上其功隸殿前班遷右班都知御前忠佐馬軍副都
軍頭戍環州至道二年與馬紹忠白守榮田紹斌部芻
糧趣清遠軍仁美爲先鋒至岐子平與虜角走之明日
又戰于浦洛河自巳至戍戰數十合進壁乾河紹忠守
榮皆敗走紹斌退止浦洛獨仁美所部不滿三千身中
八創護芻糧官吏直抵清遠紹斌繼至表上其功補澶
州龍衛軍都虞候部署李繼隆奏留麾下俄還澶州召
見會令諸軍射仁美自陳筋力未衰願對殿庭發二矢
上許之旣而前奏曰臣老於戎門多戍外郡前後征行
體被三十餘創今日得對萬乘千載之幸儻或備員宿

衛立殿庭下一日足矣上顧傅潛而笑潛亦稱其武幹力留補馬步軍副都軍頭潛屯北面常以自隨又從王超屯鎮定儀渭累遷捧日天武四廂都指揮使領端州防禦使權京新城內都巡檢先是巡兵捕亡卒盜賊不獲皆有罰而獲者無賞仁美因差立賞格以聞從之未幾卒

論曰王繼忠兵敗不能死臣事朔庭是謂喪節而家免李陵之禍傅潛總帥握重兵畏懦縱寇是謂失律而身追何徽樊愛能之誅宋家御將弗肅槩可見矣許均短吏治戴興王漢忠魏能陳興晚衰威名若王能張疑諸人勇而有謀忠而能力且並克有終真宗謂拔十得亦有助者諒哉

田紹斌

王榮

楊瓊

錢守俊

徐興

王杲

李重誨

白守素

張思鈞

李琪

田紹斌汾州人仕河東劉鈞為監聖軍使戍遼州周顯德四年領五十騎來歸鈞屠其父母家屬世宗召補驍武副指揮使宋初從征李筠及李重進以功擢至馬軍副都軍頭龍衛指揮使下荆湖平嶺南率皆從行討蜀還改龍捷都虞候嘗盜官馬質直償博事發獄具釋之

太宗歷遷會州觀察使充靈州馬步軍部署領徒入蕃
討賊斬首二千級未幾皇甫繼明白守榮等督轉餉於
靈州紹斌率兵援接抵鹹井賊來薄陣且行且鬪至耀
德凡殺千人寇復尾後大敗之初守榮與紹斌爲期旣
而繼明卒故後一日遂爲賊所圍繼遷初見紹斌旌旗
不敢擊守榮等自欲邀功與戰賊先伏兵以羸騎挑戰
已而伏發守榮等戰敗死者甚衆紹斌率所部徐還一
無遺失至清遠與張延州會食見濠中人裸而呼曰我
白守榮也繩引而上解衣遺之驛聞優詔褒美時命李
繼隆范廷召討繼遷就命紹斌爲本州都部署兼內外
都巡檢使繼隆言紹斌自言靈武非我不能守欲圖
面有異志太宗怒曰此昔嘗背太原來投今又首鼠兩
端真賊臣也捕繫詔獄貶官虢州安置真宗召還歷環
慶靈州清遠軍部署咸平二年北面寇警復命爲鎮定
高陽關路押先鋒隸傳潛潛遣與石普竝戍保州普陰
與知州楊嗣議出兵擊討及夜普嗣未還紹斌疑其敗
斲卽領兵援之二人果爲賊所困頗喪師及紹斌至卽
合兵疾戰以勞遷邢州觀察使潛屯中山紹斌三馳書
言邊衆大至但列兵唐河南背城與戰慎無窮追潛性
異懦得書益不敢出賊衆益熾焚劫城砦車駕駐大名

召潛屬吏詞逮紹斌被黜景德初復起累遷左領軍衛
大將軍領康州團練使鞏縣都監卒

王榮定州人事太宗藩邸卽位補殿前司被擢用坐受
秦王廷美宴勞貶又爲馬仁瑀子所告流海島後召還
累遷侍衛馬軍都虞候絳州觀察使出爲定州行營都
部署榮母老不迎養供給甚薄太宗聞而怒曰忠臣出
於孝子之門榮竄逐之餘兇行弗悛豈可復置左右效
晉帝養成張彥澤邪卽詔罷督責授右驍衛大將軍寄
班供奉官張明護定州兵間嘗規正榮疾其攻已莊宅
使監軍王斌雅善榮意明構榮罪因撫明以報怨下樞
密院問狀皆不實上怒詎左右曰刑罰之加必當其罪
將帥之職非裨校同朕豈黨張明而棄王榮哉遂賜勞
明緡錢束帛榮遷右羽林軍大將軍真宗卽位累遷涇
原儀渭駐泊部署援送靈武芻糧至積石夜爲蕃寇所
劫衆亡殆盡除名配均州起歷左衛大將軍領昌州防
禦使後爲河南府駐泊都監卒榮有膂力善射嘗引強
注屋棟矢入木數寸時人目爲王硬弓

楊瓊西河人事太宗藩邸卽位補軍職征太原討蜀寇
咸有功擢至單州刺史後徙知霸州兼鈐轄改防禦使
靈慶路副都部署河外都巡檢使賊累寇疆瓊固捍又

導黃河溉田數千頃詔褒之咸平中歷諸路副都部署
後以鄜州觀察使充靈環十州軍副都部署兼安撫副
使嘗遣使諭旨賊若入寇即合兵與戰是秋果長圍清
遠瓊與馮守規張繼能失計以致城陷瓊未嘗交一鋒
坐削官長流崖州籍繼能家起歷左領軍衛大將軍領
賀州團練使知兗州有州卒自言得神術能飛行空中
州人頗惑瓊捕至折其足奏戮之

錢守俊雷澤人少勇鷙嘗為盜陂澤中稱轉陂鵠在周
為鐵騎卒事太祖從征淮南下壽春繼從克關南宋初
補禁衛以從征太原功被擢用太宗時屯師備邊從征
范陽及援田重進北伐咸有功遷至齊州團練使又為
河西副都部署其後數改官歷左領軍衛大將軍領潘
州防禦使權金吾街仗卒

徐興青州人宋初隸御龍直以平澤潞功補控鶴軍使
征晉陽壅汾水灌城益有勞遷本軍副指揮使太宗時
屢以戰功遷至莫州防禦使知靜戎軍歷祔博二州咸
平中為涇原環慶十州部署詔督轉靈武芻糧道積石
率掠於寇興畏而戰敗坐削籍流郢州會赦起歷左監
門衛大將軍

王杲齊州人周應募隸先鋒宋初從征澤潞平揚州以

功拔遷後累轉馬軍副都軍頭屯并州雍熙中爲龍衛
右第二軍都虞候會遣趙保忠還夏州命杲引兵護送
及還保忠以方物贐杲拒不納太宗知之賜白金百兩
遷右第一軍屯鎮州累功拜唐州刺史歷石隰副部署
未幾以轉餉河西失期降右千牛衛大將軍咸平五年
出爲亳州永城縣都監被召以疾卒

李重誨應州金城人父彥榮仕契丹署環州刺史重誨
嘗爲其應州馬步軍都指揮使太平興國五年潘美出
師禦寇重誨從其節度使蕭咄李迎戰于代州北嶺大
敗美斬咄李擒重誨以獻太宗召見補軍職數有功累

遷原儀渭鎮戎軍鈐轄咸平三年徙邠寧環慶路
轉餉靈武爲虜所掠除名流光州起歷益州鈐轄改皇
城使卒年六十八重誨純懿寡過真宗悼之

白守素開封人以蔭補東班承旨累遷至供備庫使鎮
州行營鈐轄真宗與輔臣議三路禦賊命魏能爲部署
白能頗強復尤難共事以守素練邊計張銳性和善命
爲鈐轄戍順安以貳之景德初契丹侵長城口守素與
能發兵破之徙屯冀州加領康州刺史又提騎卒戍靜
戎軍兼涖營田之役俄爲鎮定鈐轄追敘前勞加合州
團練使大中祥符三年命副李迪使契丹守素居邊久

名聞北庭上慮其不欲行遣內侍密詢守素頓首感咽
乃命代焉再遷南作坊使五年卒上甚惜之

張思鈞邗州人善擊劍挽強博奕初應募爲卒歷晉周
爲南北兩關巡檢宋初遷至都虞候郭進田欽祚戍三
交嘗從戰於石嶺關斬首萬五千餘級閤門祇候齊延
琛苗景陷軍中思鈞鼓勁騎突入奪還太平興國初屯
定州以功領河州刺史雍熙三年邊人寇河間劉廷讓
會戰君子館命思鈞翼從時天大寒弓不得彀援兵不
至於是敗績陷留軍中數年役役不得還端拱初自契
丹始逃歸授澄州刺史知齊州再改鄜延巡檢使真宗
即位徙益州鈐轄兼綿漢九州都巡檢使巴西辰傳
有善馬思鈞求之不與思鈞恃功責翽轉餉後期斬之
上聞其事傳召付御史臺鞫治削籍流封州起歷左千
牛衛將軍卒年八十九子承恩爲三班奉職思鈞狀小
而精悍太宗嘗稱其樓羅自是人目爲小樓羅云
李琪伊闕人幼給事宣祖左右太祖受禪命補鎮職太
宗在京府復令事之由是累遷効忠都虞候開封府馬
步軍副都指揮使領富州刺史琪性素鄙每分遣士卒
守護關梁必覲其贈遺視厚薄爲重輕太宗知之遂改
授屯衛大將軍領郡如故乃顧曰吾欲置琪於無過之

地爾終左武衛大將軍

論曰田紹斌背所事而禍貽其親王榮享豐祿而薄於老母宜太宗以為大戾而加之罰也真宗嘗謂才難全即有瑕疵恒技拭用之二子竟碌碌進而復黜自古寧有虧孝而致功名者哉楊瓊戮妖王杲辭賄李重誨寡過似矣顧韜略無踰人徐興張思鈞頗有戰功然志不逮初非驕則怯故皆不免於譴李琪貪鄙賴攀附恩保全錢守俊改行累勳白守素練邊計為虜畏伏其譚延美張凝之倫乎

宋史新編卷八十

宋史新編卷八十一

列傳二十三

明南京戶部主事莆田柯維騏編

呂端

畢士安

呂端字易直幽州人宰相餘慶弟也少好學以父蔭歷著作佐郎直史館太祖即位遷秩開寶中假太常少卿副郝崇信使契丹改司門員外郎知成都府為政清簡遠人便之秦王廷美尹京召拜考功員外郎充判官太宗征河東將命廷美居留端白廷美曰主上櫛風沐雨以申弔伐王當表率扈從主留務非宜也廷美由是懇請從行尋坐王府親吏請託執事者違詔市竹木貶商

宋史卷一百一十一
州司戶參軍移汝州復爲太常丞判寺事出知蔡州吏
民列奏借留歷拜右諫議大夫許王元僖尹開封端又
爲判官王薨有發其陰事者坐左遷會置考課院諸負
譴寘散者引對皆涕泣訴饑寒至端奏曰臣罪大而幸
深苟得潁州副使臣之願也帝曰朕自知卿無何復舊
官擢至參知政事趙普嘗曰吾觀呂公奏事得嘉賞未
嘗喜遇抑挫未嘗懼亦不形于言真台輔器也歲餘左
諫議大夫寇準亦拜參知政事端請居準下帝卽以端
爲左諫議立準上每徇召便殿語必移晷時呂蒙正爲
相帝欲相端或曰端爲人糊塗帝曰端小事糊塗大事
不糊塗會由宴後苑帝作釣魚詩有云欲餌金鉤深未
遠磻溪須問釣魚人意屬端也後數日罷蒙正拜端戶
部侍郎平章事時至道元年四月也端慮同列寇準不
平乃請參知政事與宰相分日押班知印同升政事堂
端持重識大體同列奏對多有異議惟端罕建明帝手
札戒諭中書事必經呂端詳酌聞奏端愈謙讓不自當
初李繼遷擾西鄙保安軍奏獲其母至是寇準在樞府
帝召與謀欲誅之準退端邀謂之曰邊鄙常事端不必
與知若軍國大計端備位宰相不可不知也準告其故
端曰何以處之準曰欲斬於保安軍北門外以戒凶逆

端曰願少緩之端將覆奏入曰舉大事不顧其親况遷悖逆之人乎徒結怨讎堅其叛心爾以臣之愚宜於延州使善養視以招來繼遷雖不卽降終可以繫其心而母死生之命在我矣帝撫髀稱善用其策其母後病死繼遷尋亦死繼遷子竟納款請命端之力也進門下侍郎兼兵部尚書帝不豫內侍王繼恩忌太子英明陰與參知政事李昌齡殿前都指揮使李繼勳知制誥胡旦謀立故楚王元佐帝崩李皇后命繼恩召端端知有變鎖繼恩閣內使人守之而入后曰立嗣以長順也今將如何端曰先帝立太子正爲今日豈可違命有異

真宗既立引見羣臣端平立殿下不拜請卷簾升殿審視然後降階率羣臣拜呼萬歲真宗每見輔臣入對惟於端肅然拱揖不以名呼又以端軀體洪大宮庭階祀稍峻特令梓人爲納陛加右僕射明年以疾請罷爲太子太保在告卒年六十六贈司空謚正惠錄其四子端環秀有器量善與人交輕財好施兩使絕域其國歎重之後有使往每問端爲宰相否端不蓄貲產諸子貧匱又迫婚嫁因質其居第真宗出內府錢五百萬贖還之又別賜金帛俾償宿負孫誨自有傳

畢士安字仁叟雲中人少好學事繼母祝氏以孝聞祝

曰學必求良師友乃與如宋又如鄭得楊璞韓丕劉錫
爲友因爲鄭人第進士歷兗州觀察推官太平興國中
歷監察御史復出知乾州以母老願降任就養改監汝
州稻田務雍熙二年諸王出閤遷左拾遺兼冀王府記
室參軍本名士元犯王諱改焉遷考功員外郎端拱中
詔王府僚屬各獻所著文太宗閱視累日問近臣曰其
才已見矣其行孰優或以士安對上然之俄以本官知
制誥淳化二年召入翰林爲學士大臣以張洎薦帝不
以爲然士安以父名又林抗章引避朝議謂二名不偏
諱不聽三年以疾請外改右諫議大夫知潁州真宗爲
許王尹開封府召爲判官及爲皇太子以兼右庶子遷
給事中登位遷至禮部侍郎復爲翰林學士以日疾求
解改兵部出知潞州復入爲翰林侍讀學士景德初兼
祕書監契丹謀入境士安首疏五事應詔陳選將餉兵
理財之策進吏部侍郎參知政事入謝真宗曰未也行
且相卿求與卿同進者其誰可對曰臣駑朽不足勝任
寇準兼資忠義善斷大事宰相才也真宗曰聞其好剛
使氣對曰準方正慷慨有大節忘身徇國秉道疾邪此
其素所蓄積朝臣罕出其右者第不爲流俗所喜今天
下之民雖蒙休德涵養安佚而西北跳梁爲邊境患若

準者正所宜用也真宗曰當藉卿宿德鎮之未閱月以
本官與準同拜平章事士安兼監脩國史居準上有布
衣申宗古告準交通安王元傑準皇恐莫知所自明士
安力辯其誣下宗古吏具得姦罔準乃安會契丹統軍
撻覽引兵分掠轉窺貝蕘天雄兵號二十萬真宗問策
安出士安與寇準條禦備狀又合議請幸澶淵初王繼
戰陷契丹至是為奏請議和獨士安以為可信曰臣
得契丹降人言其深入屢挫不甚得志陰欲引去而
無名繼忠之奏臣請任之真宗喜手詔繼忠許其請

詔巡幸議者猶開關二三大臣有進金陵及成

圖者士安亟同準請對力陳不可惟堅定前計事無至
澶淵伏弩射撻覽死和議遂定歲遺契丹銀絹三十萬
朝論以為過士安曰不如此恐不能久及罷兵乃按邊
要選良守將易置之塞上通互市除鐵禁招流亡廣儲
蓄未幾夏州趙德明亦款塞內附二方既定中外略安
量時制法次第行之復置賢良方正直言極諫等科以
廣取士二年以病求免不允十月晨朝疾作帝步出臨
視已不能言詔以肩輿送歸第卒年六十八贈太傅中
書令謚文簡錄其子孫士安端方沉雅有清識醞藉美
風采善談吐年者目眊讀書不輟手自雘校繕寫又精

宋史 卷一百一十五
意詞翰有集三十卷嘗謂人曰僕仕宦無赫赫譽但力
自規檢庶幾寡過爾沒後真宗悼甚謂寇準等曰畢士
安善人也飭躬慎行有古人之風及王旦為相面奏畢
士安仕至輔相而四方無田園居第沒未終喪家用已
屈真不負陛下所知然使其家假貸為生宜有以周之
者竊謂當出上恩非臣敢為私惠真宗感歎賜白金五
千兩曾孫仲衍仲游最顯

仲衍字夷仲以蔭為陽翟簿縣人馬宏橫閭里會攝縣
事卽逮捕驗治得其姦流宏鄧州一縣相賀第進士歷
司農丞吳充引為中書檢正王珪與充不相能故抑不

用四年乃以祕閣校理同知太常禮院為官制備檢

討官制文字千萬計區別分類損益刪補曲盡其當撰

中書備對三十卷官制行神宗自擢起居郎未幾卒

仲游字公叔與仲衍同登第元祐初為軍器衛尉丞召

試學士院同策問者九人乃黃庭堅張耒晁補之輩蘇

軾異其文擢為第一加集賢校理開封府推官出提點

河東路刑獄太原銅器名天下獨不市一物懼人以為

矯也且行買二茶七而去徽宗時歷知鄭鄆二州京南

淮南轉運副使人為吏部郎中言孔子廟自顏回以降

皆爵命於朝冠冕居正而子鯉孫伋乃野服幅巾以祭

宋史新編卷八十一
爲不稱詔皆追侯之墮黨籍坎壞散秩而終年七十五
仲游爲文切於事理而有根柢蘇軾在館閣頗以言語
文章規切時政仲游憂其及禍貽書戒之曰孟軻不得
已而後辯孔子欲無言古人所以精謀極慮固功業而
養壽命者未嘗不出乎此天下論君之文如孫臏之用
兵扁鵲之醫疾固所指名者矣雖無是非之言猶有是
非之疑又况其有邪官非諫臣職非御史危身觸諱以
游其間殆猶抱石而拯溺也司馬光及王安石所爲仲
游予之書曰昔安石以興作之說動先帝而患財之不
足也故凡政之可以得民財者無不用蓋散青苗置市
易斂役錢變鹽法者事也而欲興作患不足者情也苟
未能杜其情而徒欲禁其事是以百說而百不行今遂
廢傷民者一掃而更之則向來用事於新法者必不喜
矣必操不足之情言不足之事以動上意雖致石人而
使聽之猶將動也爲今之策當大舉天下之計深明出
入之數使天子曉然知天下之餘於財也則不足之論
不得陳於前矣昔安石之居位也中外莫非其人故其
法能行今欲揀前日之敝而左右侍職司使者十有七
八皆安石之徒烏在其勢之可爲也以此揀敝如人久
病而少問其父子兄弟喜見顏色而未敢賀者以其病

之猶在也光載得書聳然竟如其慮仲愈歷國子監丞
諸王府侍講知鳳翔府坐仲游例廢黜徽宗曰畢仲衍
被遇先帝可除罪籍擢仲愈至秘書少監

寇準字平仲下邳人自少英邁通春秋三傳年十九舉
進士太宗取人年少者往往罷去或教準增年答曰準
方進取其可欺邪後中第累遷鹽鐵判官會詔百官言
事準極陳利害帝益器重之擢尚書虞部郎中樞密直
學士判吏部東銓嘗奏事殿中語不合帝怒起準輒引
帝衣令帝復坐事決乃退帝由是嘉之曰朕得寇準猶
文皇之得魏徵也淳化二年春大旱帝延近臣問時政
得失衆以天數對準曰洪範天人之際應若影響大旱
之證蓋刑有不平也帝怒起入禁中頃之召問所以不
平狀準曰願召二府至臣即言之有詔召二府入準乃
言曰頃者祖吉王淮皆侮法受賊吉賊少乃伏誅淮以
參政沔之弟盜主守財五十萬杖復其官非不平而何
帝以問沔沔頓首謝於是切責沔拜準左諫議大夫樞
密副使改同知院事準與知院張遜數爭事上前他日
與溫仲舒偕行道逢狂人迎馬呼萬歲判左金吾王賓
與遜雅相善遜嗾上其事準引仲舒爲證遜令賓獨奏
其辭頗厲且互斥其短帝怒謫遜準亦罷知青州帝顧

準厚明年召拜參知政事入見帝曰朕諸子孰可以付
 神器者準曰陛下為天下擇君謀及婦人中官不可也
 謀及近臣不可也唯陛下擇所以副天下望者帝俛首
 久之屏左右曰襄王可乎準曰知子莫若父聖慮既以
 為可願即決定帝遂立為皇太子廟見還京師之人擁
 道喜躍曰少年天子也帝聞之不憚召準謂曰人心遽
 屬太子欲置我何地準再拜賀曰此社稷之福也帝入
 語后嬪宮中皆前賀復出延準飲極醉而罷馮拯陳準
 擅權又條上除拜不平數事康戩亦言呂端張洎李昌
 胤皆準所引故得以任智慮亂經制帝召資端等端曰
 準性剛自任臣等不欲數爭慮傷國體因并拜請罪及
 準入對帝語及馮拯事自辯帝曰若廷辯失執政體準
 猶力爭不已又持中書簿論曲直於前帝益不悅因歎
 曰鼠雀尚知人意况人乎遂罷準知鄧州真宗即位遷
 尚書工部侍郎咸平中累遷兵部為三司使景德元年
 與畢士安竝命同中書門下平章事是時契丹內寇小
 不利輒引去徜徉無闕意準曰是狃我也請練師命將
 簡驍銳據要害以備之是冬果大入急書一夕五至準
 不發飲笑自如明日同列以聞真宗大駭以問準準曰
 陛下欲了此不過五日爾因請幸澶州同列懼欲退準

止之令候駕起帝難之欲還內準曰陛下入則臣不得見大事去矣請毋還而行帝乃議親征召羣臣問方略參知政事王欽若江南人也請幸金陵陳堯叟蜀人也請幸成都帝問準準曰誰爲陛下畫此策者罪可誅也今陛下神武將臣協和若大駕親征自當遁去不然出奇以撓其謀堅守以老其師勞佚之勢我得勝筭矣奈何棄廟社欲幸楚蜀賊乘勢深入天下可復保邪遂請帝幸澶州及至南城契丹兵方盛衆請駐蹕以覘軍勢準固請曰陛下不過河則人心益危敵氣未懾非所以取威決勝也衆議皆懼準力爭之不決出過高瓊於幕間謂曰太尉受國恩今日有以報乎對曰瓊武人願効死準復入對瓊隨立庭下準厲聲曰陛下不以臣言爲然盍試問瓊等瓊卽仰奏曰寇準言是語在瓊傳準曰機不可失宜趣駕瓊卽麾衛士進輦帝遂渡河御北城門樓遠近望見御蓋踴躍歡呼聲聞數十里契丹相視驚愕不能成列帝盡以軍事委準準承制專決號令明肅士卒喜悅上還行宮留準居城上徐使人視準何爲準方與楊億飲博歌謔歡呼帝喜曰準如此吾復何憂相持十餘日其統軍撻覽出督戰弩矢中其額撻覽死乃密奉書請盟準不從而使者來請益堅帝將許之準

史記卷之二
欲邀使稱臣且獻幽州地帝厭兵欲羈縻不絕而已有
諧準幸兵以自取重者準不得已許之帝遣曹利用如
軍中議歲幣曰百萬以下皆可許也準召利用至幄語
曰雖有敕汝所許毋過三十萬吾斬汝矣利用果以三
十萬成約而還河北罷兵準之力也準在相位用人不
以次同列頗不悅它日同列因吏持例簿以進準曰宰
相進賢退不肖若用例一吏職爾二年加中書侍郎兼
工部尚書準頗自矜澶淵功雖帝亦以此待準甚厚王
欽若深嫉之一日會朝準先退帝目送之欽若因進曰
陛下敬寇準爲其有社稷功邪帝曰然欽若曰城下之
盟春秋恥之澶淵之舉是城下之盟也陛下聞博平
者輸錢欲盡乃罄所有出之謂之孤注陛下寇準之孤
注也斯亦危矣由是準怨浸衰明年罷爲刑部尚書知
峽州遂相王旦帝謂旦曰寇準多許人官爲已恩俟行
當深戒之大中祥符中遷戶部尚書知天雄軍遷兵部
入判都省已爲樞密使同平章事準惡三司使林特沮
之而助轉運使李士衡帝不悅謂旦曰準剛忿如昔日
曰準好人懷惠又欲人畏威此其短也未幾罷爲武勝
軍節度使同平章事判河南府徙求興軍天禧初改山
南東道節度使時巡檢朱能挾內侍都知周懷政詐爲

天書帝以問旦旦曰始不信天書者準也命準上之遂
拜中書侍郎兼吏部尚書同平章事景靈宮使郊恩進
尚書右僕射集賢殿大學士時帝得風疾劉太后預政
準請問曰皇太子人所屬望願思宗廟之重傳以神器
擇方正大臣爲羽翼丁謂錢惟演佞人也不可輔少主
帝然之準密令翰林學士楊億草表請太子監國且欲
援億輔政謀洩罷爲太子太傅封萊國公時懷政謀殺
大臣丁謂等奉帝爲太上皇傳位太子復相準謂以計
誅懷政降準太常卿知相州徙安州貶道州司馬帝初
不知也他日問左右曰吾目中久不見寇準何也左右
其敢對帝崩時亦言惟準與李迪可託乾興初再爲
州司戶參軍觸暑冒險日行百里左右爲泣下準昂然
無隕穫色閱圖載郡東南門抵海岸凡十里準恍然悟
曰吾少時有到海祇十里過山應萬重之句人生得喪
豈偶然耶初謂出準門至參政事準甚謹嘗會食中書
羹汗準鬚謂起徐拂之準笑曰參政國之大臣乃爲官
長拂鬚邪謂甚愧之由是傾構日深準貶未幾謂亦南
竄道雷州準遣人以一蒸羊逆境上謂欲見準準拒絕
之聞家僮謀欲報仇者乃杜門使縱博母得出天聖初
徙衡州司馬太宗嘗得通天犀爲二帶一以賜準及是

準取自洛中既至數日沐浴朝服束帶北面再拜趣設
臥具就榻卒年六十三準之入相也張詠在成都聞之
謂僚屬曰寇公奇材惜學術不足爾及準出陝詠適自
成都還準嚴供帳大爲具待詠將去送之郊問曰何以
教準詠徐曰霍光傳不可不讀歸取讀之至不學無術
笑曰此張公謂我矣準少年富貴性豪侈喜劇飲每宴
客多闔扉脫驂雖庖廩所在必然炬燭在雷州踰年既
卒衡州之命乃至歸葬西京道出京南公安縣人皆設
祭哭於路折竹植地挂紙錢逾月視之枯竹盡生筍衆
因爲立廟祀之無子以從子隨爲嗣後復太子太傅贈

中書令萊國公賜諡忠愍皇祐四年詔撰神道碑篆曰

雄忠

論曰呂端畢士安寇準皆以忠義果斷之資輔政於至
道咸平景德間內折王繼恩廢立之謀外弭遼夏兵戈
之禍所謂非常之功固非常人之所與也端士安寡貴
產子孫不免飢寒魏野贈準詩曰有官居鼎鼐無地起
樓臺彼皆靖共國事遑念家哉或謂準喜搏擊不如端
之器量準耽宴飲不如士安之謹飭準竄死南裔不如
二公之令終要之大節礪礪落落未易議優劣云

宋史新編卷八十二
列傳二十四
明南京戶部主事莆田柯維騏編
李沆弟維
王旦
向敏中

宋史新編卷八十二

列傳二十四

明南京戶部主事莆田柯維騏編

李沆弟維

王旦

向敏中

李沆字太初洛州肥鄉人曾祖祖俱仕州縣父炳為殿
中侍御史知舒州太祖征金陵以供億勞加侍御史沆
少好學器度宏遠太平興國五年舉進士甲科為將作
監丞通判潭州歷直史館雍熙中右拾遺王化基上書
自薦太宗謂宰相曰李沆宋湜皆嘉士并化基召試並
除右補闕知制誥沆位最下特升于上各賜錢百萬又
以沆素貧多負人錢別賜三十萬以償遷至翰林學士

淳化二年判吏部銓嘗侍曲宴太宗目送之曰李沆風
度端凝真貴人也三年拜給事中參知政事四年以本
官罷奉朝請未幾丁內艱起復出知河南府真宗升儲
遷禮部侍郎兼太子賓客詔東宮待以師傅禮卽位遷
戶部侍郎參知政事咸平初拜平章事監脩國史改中
書侍郎會契丹犯邊車駕北幸命沆留守京師肅然累
加門下侍郎尚書右僕射帝問治道所宜先沆曰不用
浮薄新進喜事之人此最爲先問其人曰如梅詢曾致
堯等是矣後致堯副溫仲舒安撫陝西於閤門疏言仲
舒不足與共事沆遂罷致堯帝嘗語及唐人樹黨難制
使王室微弱蓋姦邪難辨爾沆對曰佞言似忠姦言似
信至如盧杞蒙蔽德宗李勉以爲真姦邪是也一夕遣
使持手詔欲以劉氏爲貴妃沆對使者引燭焚詔其議
遂寢駙馬都尉石保吉求爲使相復問沆沆曰無攻戰
之勞恐騰物議他日再三問執議如初遂止帝以沆無
密素謂之曰人皆有密啓卿獨無何也對曰公事則公
言之何用密啓夫人臣有密啓者非讒卽佞臣常惡之
豈可効尤時李繼遷久叛有圖取朔方之意朝廷困於
飛輓中外咸以爲靈州乃必爭之地苟失之則緣邊諸
郡皆不可保帝頗惑之因訪於沆沆曰繼遷不死靈州

非朝廷有也莫若遣使密召州將使部分軍民空壘而歸如此則關右之民息肩矣未幾而靈州陷帝由是益重之沆爲相王旦參政事以西北用兵或至旰食旦漢曰我輩安能坐致太平得優游無事耶沆曰少有憂勤足爲警戒他日四方寧謐朝廷未必無事後契丹和親旦問何如沆曰善則善矣然邊患旣息恐人主漸生侈心耳旦未以爲然沆又曰取四方水旱盜賊奏之旦以爲細事不足煩上聽沆曰人主少年當使知四方艱難不然血氣方剛不留意聲色犬馬則土木甲兵禱祠之事作矣吾老不及見參政他日之憂也沆沒後真宗封

神宗汾大營宮觀蒐講墜典靡有暇日且親見王欽若

丁謂等所爲欲諫則業已同之欲去則上過之厚乃嘆曰李文靖真聖人也當時遂謂之聖相寇準與丁謂善屢以謂才薦於沆不用準問之沆曰顧其爲人可使之在人上乎準曰如謂者相公終能抑之使在人下乎沆笑曰他日當思吾言也準後竟爲謂所傾沆爲相接賓客常寡言馬亮與沆同年生又與其弟維善語維曰外議以大兄爲無口匏維乘間達亮語沆曰吾非不知也今邦國大事北有契丹西有夏人日旰條議所以備禦之策非不詳究薦紳如李宗諤趙安仁皆時之英秀與

之談猶不能啓發吾意自餘通籍之子坐起拜揖尚周
章失次卽席必自論功最以希寵獎此有何策而與之
接語哉苟屈意妄言卽世所謂籠罩也沆又嘗言居位
無補惟中外所陳利害一切報罷之此少以報國爾朝
廷防制纖悉備具或徇所陳請施行一事卽所傷多矣
陸象先曰庸人擾之是已儉人苟一時之進豈念厲民
耶嘗讀論語曰沆爲宰相如節用愛人使民以時尚未
能行聖人之言終身誦之可也景德初卒年五十八上
臨哭之慟贈太尉中書令謚文靖仁宗卽位詔配享真
宗廟庭沆性直諒內行脩謹言無枝葉居位慎密不求
聲譽人莫能干以私胡旦舊同知制誥旦請外又聞
參政啓賀歷詆前居職四人之短而盛譽沆沆不悅
爲相不之援治第封立門內廳事前僅容旋馬或謂太
監沆笑曰此爲宰相廳事誠隘爲大祝奉禮廳事已寬
矣至於垣頽壁損不以屑慮曰內典以此世界爲缺陷
安得完滿如意且人生朝暮不可保安事豐屋哉
維字仲方第進士真宗累遷翰林學士承旨仁宗累遷
工部尚書會傳契丹將絕盟遣維往使其主隆緒重維
名館勞加禮使賦兩朝悠久詩旣還帝欲用爲樞密副
使或斥維賦詩自稱小臣乃寢歷知陳州卒維博學少

以文章知名至老手不廢書景德以後巡幸四方典章名物多維所參定嘗預定七經正義修續通典冊府元龜性寬易獎借後進嗜酒善謔而好爲詩常曰人生觴詠自適餘何營哉既沒家無餘貲贈尚書右僕射

王旦字子明父祐以文章顯于漢周之際事太祖太宗爲名臣又多陰德語在祐傳祐嘗手植三槐于庭曰吾後世必有爲三公者此其所以志也旦進士及第爲大理評事知平江縣歷遷殿中丞通判鄭州徙濠州淳化初王禹偁薦其才驛召至京旦不樂吏職獻文召試命

直史館二年拜右正言知制誥旦登第十年繼其父

任明論美之同列錢若水有人倫鑒每曰王君汝後
棟梁之材非吾所及李沆同年生亦推爲遠大器真宗卽位連拜翰林學士帝素賢旦嘗奏事退目送之曰爲朕致太平者必斯人也未幾拜給事中同知樞密院事又以工部侍郎參知政事景德元年契丹犯邊從幸澶州命旦權留守事旦奏曰十日之間未有捷報當如何帝默然良久曰立皇太子二年加尚書左丞三年拜工部尚書同中書門下平章事集賢殿大學士契丹旣受盟寇準以爲功有自得之色王欽若忌準傾之語在準傳欽若度帝厭兵復謬曰陛下以兵取幽燕乃可滌

恥帝曰河朔生靈始免兵革朕安能爲此可思其次欽
若曰唯有封禪泰山可以鎮服四海誇示外國然自古
封禪當得天瑞希世絕倫之事然後可爾旣而又曰天
瑞安可必得前代蓋有以人力爲之者惟人主深信而
崇之以明示天下則與天瑞無異也帝思久之而心憚
且曰王且得無不可乎欽若曰臣得以聖意喻之宜無
不可乘間爲且言且鼠勉而從帝尚允豫莫與籌之者
會幸祕閣驟問杜鎬曰古所謂河出圖洛出書果何事
耶鎬老儒不測帝意對曰此聖人以神道設教爾帝繇
此意決遂召且飲歡甚賜以尊酒曰此酒極佳歸與妻
共之旣歸發之皆珠也由是凡封禪事且不復與
大中祥符中兩爲大禮使累進秩拜司空又爲天書使
每有大禮輒奉天書以行恒邑邑不樂凡柄用十八年
爲相僅一紀會契丹脩和西夏誓守二邊兵罷不用真
宗以無事治天下且務行故事慎所變改帝又益信之
凡大臣有所請必曰王且以爲如何天下大蝗使人於
野得死蝗執政請示于朝率百官賀且獨不可後數日
方奏事飛蝗蔽天帝顧且曰百官方賀而蝗如此豈不
爲天下笑耶宮禁火有言榮王宮所延非天災當坐死
者百餘人且獨請曰火雖有迹寧知非天譴耶坐者皆

免日者上書言宮禁事坐誅籍其家得朝士所與往還
占問吉凶之說帝怒欲付御史問狀旦曰此人之常情
不足罪真宗怒不解旦因自取嘗所占問書進曰臣少
賤時不免爲此必以爲罪願并臣付獄真宗曰此事已
發何可免旦曰臣爲宰相執國法豈可自爲之幸於不
發而以罪人帝意解旦悉焚所得書旣而復悔馳取之
已焚矣絲是皆免契丹奏請歲給外別假錢幣旦曰止
當以微物輕之乃以歲給內各借三萬仍諭次年額內
除之契丹大慙西夏趙德明言民饑求糧百萬斛旦請
設有司其粟百萬于京師詔德明來取之德明得
且拜曰朝廷有人寇準數短旦曰專稱準帝謂旦曰
雖稱其美彼專談卿惡旦曰理固當然臣在相位久政
事闕失必多準對陛下無所隱益見其忠直此臣所以
重準也帝以是愈賢旦中書有事送密院達詔格準以
聞旦被責堂吏皆見罰不踰月密院有事送中書亦違
詔格堂吏欣然呈旦旦令送還密院準大慙準罷樞密
使求爲使相旦驚曰將相之任豈可求耶吾不受私請
準深憾之已而除準武勝軍節度使同中書門下平章
事準入見謝曰非陛下知臣安能至此帝具道旦所以
薦者準媿歎準在鎮生辰造山棚大宴又服用僭侈爲

人所奏帝怒謂旦曰寇準每事欲效朕可乎旦徐對曰
準誠賢能無如駿何帝意遂解帝欲相王欽若旦曰祖
宗朝未嘗有南人當國者雖立賢無方然須賢士乃可
臣爲宰相不敢沮抑人此亦公議也帝遂止其後欽若
語人曰爲王公遲我十年作宰相內臣劉承規以忠謹
得幸病且死求爲節度使帝語旦曰承規待此以瞑目
旦執不可曰他日將有求爲樞密使者奈何自是內臣
官不過留後旦爲相賓客滿堂無敢以私請察可與言
及素知名者數月後召與語詢訪四方利病或使疏其
言而獻之觀才之所長密籍其名其人復來不見也每
有差除先密疏四三人姓名以請奏入無不可旦凡所
薦皆人未嘗知諫議大夫張師德兩詣旦門不得見意
爲人所毀以告向敏中爲從容明之及議知制誥旦曰
可惜張師德敏中問之旦曰累於上前言師德名家子
有士行不意兩及吾門狀元及第榮進素定但當辭以
待之爾若復奔競使無階而入者當如何也敏中啓以
師德之意旦曰師德後進待我薄爾敏中固請旦曰第
緩之使師德知聊以戒貪進激薄俗也薛奎爲江淮發
運使辭旦旦無他語但云東南民力竭矣奎退曰真宰
相之言也張士遜爲江西轉運使辭旦旦曰朝廷權利

至矣故士遜迭更是職未嘗求利時謂識大體李迪賈
邊有時名舉進士迪以賦落韻邊以當仁不讓於師論
以師爲衆與注疏異旦曰迪出於不意其過可略邊特
立異說將令後生務爲穿鑿漸不可長遂收迪而黜邊
旦素羸多疾自東魯復命連歲求解優詔褒答繼以而
諭委任無貳天禧初進太保爲兗州太極觀奉上寶冊
使復加太尉兼侍中一日獨對滋福殿帝曰朕方以大
事託卿而卿疾如此因命皇太子出拜旦皇恐走避太
子隨而拜之旦復求避位帝憫其形瘁以太尉領玉清
昭應宮使初旦以宰相兼使及罷相使猶領之其專置
使自旦始尋命肩輿入禁中挾扶以見帝曰卿萬一不
諱朕以天下事付之誰乎再三問不對歷問張詠馬亮
亦不對因曰試以卿意言之旦強起舉笏曰莫如寇準
帝曰準剛褊更思其次旦曰他非所知旦卒歲餘竟相
準旦年六十一帝臨其喪勸贈太師尚書令魏國公謚
文正有集二十卷乾興初配享真宗廟庭賜碑曰全德
元老之碑旦事寡嫂有禮與弟旭友愛甚被服質素不
好珍異家人未嘗見其怒飲食不精潔但不食而已嘗
試以少埃墨投羹中旦惟啖飯後又墨其飯則曰今日
不喜飯可別具粥平生不置田宅曰徒興爭爲不義爾

真宗以所居陋欲治之旦以先人舊廬辭旦臨終謂其
子曰吾無狀久坐台司卽死當祝髮披緇以塞吾志家
人欲從其言塔蘇者力排而止之三子素別有傳

向敏中字常之開封人第進士歷淮南轉運副使或薦
其武幹召入將授諸司副使敏中懇辭獻所著文加直
史館遣還任以耕籍恩超左司諫入爲戶部判官知制
誥尋權判大理寺時沒入祖吉贓錢分賜法吏敏中引
鍾離意委珠事獨不受以婦翁張去華累落職知廣州
州兼掌市舶敏中預市藥物往在官無所須以廉聞擢
廣南東路轉運使召爲工部郎中太宗飛白書敏中洎

付中書曰二人皆名臣也朕將用之左右因稱其

並命爲樞密直學士太宗欲大任敏中當塗者忘之會
有言敏中在法寺時皇甫侃以賄敗發書歷詣朝貴求
爲末減敏中亦受之事下御史按實嘗有書及門敏中
觀其名不啓封遣去俄捕得侃私僮詰之云其書尋納
笥中瘞臨江傳舍馳驛掘得封題如故太宗大驚異召
見慰諭賞激遂決登用未幾拜右諫議大夫同知樞密
院事遷給事中真宗卽位進戶部侍郎樞密副使復拜
兵部參知政事時大兵之後議遣重臣慰撫邊郡命爲
河北河東安撫大使旣而以本官同平章事充集賢殿

大學士故相薛居正孫安上不肖其居第有詔無得貿
易敏中違詔質之會居正子惟吉娶婦柴將攜貲產適
張齊賢安上訴其事柴遂言敏中嘗求娶已不許以是
陰庇安上真宗以問敏中敏中言近喪妻不復議婚真
宗因不復問柴又伐鼓訟益急遂下御史臺拜得敏中
質宅之狀時王嗣宗爲鹽鐵使素忌敏中因對言敏中
議娶王承衍女弟密約已定而未納采真宗詢于王氏
得其實以敏中前言爲妄罷爲戶部侍郎出知永興軍
景德初復兵部侍郎夏州趙德明納款因命爲鄜延路
緣邊安撫使俄還京兆是冬真宗幸澶淵賜敏中密詔
蓋付西鄙許便宜從事時舊相出鎮不以軍事爲意敏
中雖有重名所至終日游宴以所愛伶人或付富室輒
厚有得張齊賢稠儻任情獲劫盜或至縱遣帝聞之稱
敏中曰大臣出臨四方惟敏中盡心民事爾於是有復
用意歷知河南府兼西京留守大中祥符中歷刑部尚
書拜同平章事充集賢殿大學士加中書侍郎進兵部
尚書天禧初加吏部尚書累進左僕射昭文館大學士
四年卒年七十二帝臨哭之慟贈太尉中書令謚文簡
敏中姿表瓌頊有儀矩性端厚多智曉民政慎於采拔
居大任三十年時以重德目之爲人主優禮雖衰疾終

不得謝有集十五卷子傳範在外戚傳傳亮生子經經
女爲神字后得贈敏中燕王傳亮周王經吳王
論曰真宗倚任賢弼如李沆王旦向敏中尤專且久沆
格後宮戚戚蓋以道事君者乃若日奏四方艱虞
一切罷喜事者建白元城劉氏推許得大臣體誠知言
也旦守文多匡救謗不校薦不市恩遼夏請求咸片言
定之其器度頗類沆顧依違符瑞舉朝咸若狂豈特先
見不沆若哉敏中勤政理慎采拔惜與張齊賢競十萬
之貲清節喪焉嗚呼漢韓安國唐杜黃裳皆喜賄爲名
宰張向非其倫耶

田錫

王禹偁

張詠

田錫字表聖嘉州人太平興國三年第進士釋褐將作
監丞通判宣州遷著作郎京西北路轉運判官改左拾
遺直史館錫好言時務既居諫官卽疏獻軍國要機者
一朝廷大體者四其略曰王師平太原未賞軍功迄今
二載願因郊禋耕籍之禮議平戢之功則駕馭戎臣莫
茲爲重此要機也交州瘴海得之如獲石田臣願務脩
德以來遠無銳兵以挫銳此大體之一也今諫官不聞
廷爭給事中不聞封駁左右史不聞升陞軒記言動豈
聖朝美事乎又御史不敢彈奏中書舍人未嘗訪以政

事集賢院雖有書籍無職官祕書省雖有職官無圖籍
臣願擇才任人使各司其局此大體之二也爾者寓縣
平寧京師富庶軍營馬監靡不恢崇佛寺道宮悉皆輪
奐加又闢西苑廣御池而尚書省湫溢郎曹無本局尚
書無廳事九寺三監寓天街兩廊貢院就武成王廟是
豈太平制度邪臣願別脩省寺用列職官此大體之三
也枷杻有短長鉗鎖有輕重竝載刑書未聞以鐵爲枷
者也隆平之時將措刑不用於法所無去之可矣此大
體之四也疏奏優詔褒答賜錢五十萬或戒少晦以遠
讒忌錫曰事君之誠惟恐不竭矧天植其性豈爲一賞

本邪趙普爲相今有司受羣臣章奏必先白錫錫

以爲失至公體普引咎謝後爲河北轉運副使驛書言
邊事謂動靜之機不可妄舉安危之理不可輕言利害
相生變易不定取舍無惑思慮必精其說甚備上嘉之
徙知相州改右補闕復上章論事移睦州會文明殿災
又拜章極言時政轉起居舍人遷判登聞鼓院上書請
封禪以本官知制誥端拱二年京畿大旱錫上章迺宰
相罷知陳州坐稽留殺人獄責海州團練副使後徙單
州召爲工部員外郎復論時政闕失俄詔直集賢院至
道中復舊官真宗嗣位遷吏部既而同知審官院兼通

進銀臺封駁司賜金紫與魏廷式不協求罷出知秦州
 會彗星見錫疏請責躬以答天戒咸平三年詔近臣舉
 賢良方正翰林學士承旨宋白以錫應詔還朝屢召對
 言事錫嘗奏曰陛下即位以來治天下何道臣願以皇
 王之道治之舊有御覽臣請鈔略四部別為御覽三百
 六十卷萬幾之暇日覽一卷經歲而畢又采經史要切
 之言為御屏風十卷置宸座之側則治亂興亡之鑒常
 在官署詔史館以羣書借之五年再掌銀臺覽天下奏
 章有言民飢盜起及詔敕不便者悉條奏其事上對字
 相稱錫得爭臣之體即日以本官兼侍御史知雜事
 右諫大夫史館修撰連上八疏六年卒年六十四上
 覽遺表惻然謂宰相李沆曰田錫直臣也朝廷少有闕
 失方在思慮錫之章奏已至矣特贈工部侍郎錄其二
 子錫耿介寡合未嘗趨權門慕魏徵李絳為人以盡規
 獻替為已任嘗曰吾立朝以來章疏五十有二皆諫臣
 任職之常言苟獲從幸也豈可藏副示後謗時賣直邪
 悉命焚之然性凝執治郡無稱所著咸平集五十卷
 王禹偁字元之鉅野人世為農家九歲能文擢進士為
 簿令遷至大理評事端拱初太宗聞其名召試擢右拾
 遺直史館賜緋特命以文犀帶寵之即日獻端拱箴以

寓規諷時比庭未寧禹偁獻禦戎十策大略假漢事以明之漢十二君言賢明者文景也言昏亂者哀平也然而文景之世軍臣單于最為強盛肆行侵掠候騎至燕火照甘泉哀平之時呼韓邪單于每歲來朝委質稱臣邊烽罷警何邪蓋漢文外任人內脩政使不能為深患者由乎德也哀平當呼韓衰弱之際雖外無良將內無賢臣而致其來朝者繫于時也今國家之廣大不下漢朝陛下之聖明豈讓文帝契丹之強盛不及軍臣單于亦在乎外任人內脩德爾拜左司諫知制誥京城旱禹偁疏云旱雲未霑宿麥未茁既無積蓄民飢可憂望自乘輿服御下至百官奉料非宿衛軍士邊庭將帥悉減之上答天譴下厭人心俟雨足復故臣朝行中家最貧奉最薄亦願首減奉以贖耗蠹之咎然後以古者猛虎渡河飛蝗越境之事戒敕州縣官吏但感人心必召和氣未幾判大理寺盧州妖尼道安誣訟徐鉉道安當反坐有詔勿治禹偁抗疏雪鉉請論道安罪坐貶商州團練副使歲餘移解州召拜左正言太宗以禹偁性剛直不容物命宰相戒之直昭文館勾外以便養俄召為禮部員外郎再知制誥屢獻討李繼遷便宜謂宜曉諭蕃漢高與官資則繼遷身首不梟即擒矣其後潘羅支

射死繼遷夏人款附卒如禹偁策至道元年召入翰林
為學士知審官院兼通進銀臺封駁司孝章皇后崩羣
臣不成服禹偁與客言后嘗母儀天下當遵用舊禮坐
謗訕罷為工部郎中知滁州初禹偁嘗草李繼遷制送
馬五十匹為潤筆禹偁却之及出滁或言買馬虧價者
帝曰彼能却繼遷五十馬顧肯虧一馬價哉移知揚州
真宗卽位遷秩刑部會詔求直言禹偁疏五事一曰謹
邊防通盟好使輦運之民有所休息二曰減冗兵併冗
吏使山澤之饒稍流於下三曰艱難選舉使入官不濫
四曰沙汰僧尼使疲民無耗五曰親大臣遠小人使忠
良寔講之士知進而不疑姦愆傾巧之徒知退而有懼
疏奏召還復知制誥咸平初預修太祖實錄直書其事
時宰相張齊賢李沆不協意禹偁議論輕重其問出知
黃州嘗作三黜賦以見志其卒年云屈于身而不屈于
道兮雖百謫而何虧三年濮州盜夜入城略知州王守
信監軍王昭度禹偁聞而奏疏略曰太祖太宗削平僭
偽天下一家當時議者乃令江淮諸郡毀城隍收兵甲
徹武備者二十餘年書生領州大郡給二十人小郡減
五人以充常從號曰長吏實同旅人名為郡城蕩若平
地雖則尊京師而抑郡縣為強幹弱枝之術亦匪得其

中道也僕賊之興慢防可見望陛下特紆宸斷許江淮諸郡酌民戶衆寡城池大小竝置守捉軍士多不過五百人閱習弓劍然後漸葺城壁繕完甲冑則郡國有禦侮之備矣疏奏上嘉納之四年州境二虎鬪其一死食之殆半羣雞夜鳴經月不止冬雷暴作禹偁手疏引洪範傳陳戒且自劾上遣內侍乘驛勞問醮禳之詢日官云守土者當其咎上惜禹偁才是日命徙蘄州禹偁上表謝有宣室鬼神之間不望生還茂陵封禪之書止期身後之語上異之果至郡未踰月而卒年四十八訃聞其悼之厚賻其家賜一子出身禹偁詞學敏贍遇事敢

言無憾否人物以直躬行道為已任嘗云吾若生元和時從事於李絳崔羣間斯無媿矣其為文著書多涉規諷以是頗為流俗所不容故屢見擯斥有小畜集二十卷承明集十卷集議十卷詩三卷子嘉祐嘉言俱知名嘉祐為館職寇準曰吾尹京外議云何對曰人言丈人且入相準曰於吾子意何如嘉祐曰相則譽望損矣自古賢相所以能建功業澤生民者其君臣相得如魚水今丈人於明主能若魚之有水乎準執其手曰元之雖文章冠天下至於深識遠慮或不逮吾子也嘉祐官不顯嘉言登進士第為江都簿直宗觀禹偁奏章嗟美切

直因訪其後擢嘉言至殿中侍御史曾孫汾進士甲科至工部侍郎入元祐黨籍

張詠字復之鄆城人太平興國五年郡舉進士議以詠首薦有夙儒張覃者未第詠與寇準致書郡將薦覃衆許其能讓是歲詠登進士乙科踐歷中外李沆宋湜寇準薦其才累擢樞密直學士同知銀臺通進封駁司兼掌三班院邊將張永德答小校至死詔案其罪詠封還詔書言以一部校故推辱主帥臣恐下有輕上之心不從未幾果有營兵脅訐軍校著詠引前事爲言太宗改容勞之出知益州時東西兩川旱民飢吏失救郵李順因之構亂王繼恩上官正總兵攻討城中屯兵三萬人而無半月之食詠訪知鹽價素高而廩有餘積以下其估聽民以米易鹽民爭趨之未踰月得米數十萬斛復激繼恩分兵鄰州不數日滅城中兵半詠計軍食有二歲之備遂奏罷關中糧餉帝大喜及正頓師不進詠以言激之勉其親行仍盛爲供帳舉爵屬軍校曰爾曹蒙國厚恩此行當平蕩醜類若老師曠日卽此地還爲爾死所矣正乃決行深人大致克捷寇略之際民多脅從詠移文諭以朝廷恩信使各歸田里且曰前日李順脅民爲賊今日吾化賊爲民不亦可乎大修荒政歲糴米

六萬石以廣儲蓄蜀人賴之民間訛言有白頭翁午後
食人兒女一郡囂然詠戮造訛者遂帖息詠曰妖訛之
興沴氣乘之妖則有形訛則有聲止訛之術在乎識斷
不在厭勝也初蜀士不樂仕宦詠敦勉郡之賢者張及
李畋張達就舉三人者悉登科士由是知勸了外艱起
復改兵部郎中直宗卽位連拜御史中丞未幾出知杭
州又知永興復命知益州遷至樞密直學士吏部侍郎
治狀聞詔褒之會遣謝濤巡撫西蜀上因令傳諭詠曰
得卿在蜀朕無西顧之憂矣歸朝復掌三班領登聞檢
院詠中歲瘍生腦頗妨中櫛求知潁州上將委以青社
武定令自擇詠辭不就遂命知昇州大中祥符初
左丞三年春州民以秩滿借留就轉工部尚書令再任
是秋以江左旱歉命充昇宣等十州安撫使進禮部上
閱詠腦瘍甚令薛映馳驛代還抗論賊臣丁謂王欽若
啓上侈心虛帑藏而困生民不誅死無以謝天下章三
上出知陳州初詠與青州傅霖少同學霖隱不仕詠既
顯求霖者三十年不可得至是來謁閭吏白傅霖請見
詠責之曰傅先生天下賢士吾尚不得爲友汝何人敢
名之霖笑曰別子一世尚爾邪是豈知世間有傅霖者
乎詠問昔何隱今何出霖曰子將去矣來報子爾詠曰

詠亦自知之霖曰知復何言翌日別去未幾詠卒年七十贈左僕射謚忠定詠剛方自任為治恩威並行人畏而愛之嘗謂友人曰張詠幸生明時讀典墳以自律不爾則為何人邪故其言曰事君者廉不言貧勤不言苦忠不言已效公不言已能斯可以事君矣性下急不喜人拜跪命典客預戒止有違者詠即連拜不止或偃坐罵之真宗稱其材任將帥以疾不盡其用自號乖崖以為乖則違眾崖不利物有集十卷

論曰田錫仕太平時屢上書極諫常若有朝夕之虞治世危明主非耶王禹偁直躬鯁論與錫名齊學乃餘事耳張詠以嚴為治勳績卓爾而遠不忘君請誅賊臣之疏天下快焉惜詠不大用禹偁不見容錫僅得諫議蓋獨立者多齟齬信道者輕榮利仲尼曰吾未見剛者三君子近之矣

宋史新編卷八十二

宋史新編卷八十二

列傳二十五

明南京戶部主事莆田柯維騏編

楊礪

宋滉

王嗣宗

李昌齡 從子紘

趙安仁 子良規 孫居錫

陳彭年

楊礪字汝礪京兆鄠人建隆中舉進士甲科解褐鳳州團練推官歲餘以母疾棄去後詣闕獻書召試學士院累擢屯田員外郎知鄂州以善政聞端拱初真宗在襄邸遷庫部充記室叅軍初周世宗節制澶州礪誓文見之館接數日世宗入朝礪處僧舍夢古衣冠者曰汝能從乎礪隨往覩宮衛若非人間殿上王者秉珪南向總

宋史新編卷八十二

三十餘礪升謁之最上者有按置簿錄人姓名礪見已
名居首因請示休咎王者曰我非汝師指一人曰此來
和天尊異日汝主也當問之其人笑曰此去四十年汝
功成予名亦顯矣寤而志之礪初名勵籍作礪遂改之
至是見襄王儀貌卽所夢來和天尊也真宗尹開封礪
爲推官真宗嘗問礪何年及第礪唯唯不對後知其唱
名第一自悔失問重其不伐卽位累遷工部侍郎樞密
副使卒真宗冒雨臨其喪見儻舍僻陋甚憫之贈兵部
尚書礪爲文繁無師法有集二十卷

宋湜字持正長安人父溫故晉天福中進士至左補闕
弟溫舒亦進士至職方員外郎兄弟皆有聲名湜太平
興國五年進士歷右補闕知制誥與李沆並命俄判刑
部坐累貶累遷給事中樞密副使從真宗北巡卒年五
十一贈吏部侍郎諡忠湜風貌秀整器識冲遠好學
美文詞善談論曉音律精奕碁筆法迥媚喜引重後進
又好趨人之急當世士流翕然宗仰之有集二十卷湜
兄泌亦進士溫舒三子沆解濤沆剛率喜談兵與濤俱
進士解有清節不仕與种放魏野遊多篇什酬唱云
王嗣宗字希阮汾州人進士甲科補秦州司寇參軍太
宗征河東嗣宗陳邊事召赴行在授大理寺丞通判睦

州改右贊善大夫徙河州帝遣武德卒潛察遠方事嗣
宗械送京師奏曰陛下不委任天下賢俊猥信此輩為
耳目臣竊不取帝怒其橫械下吏削秩會赦復官累遷
左正言河北轉運副使帝議親征契丹嗣宗疏其必不
至之狀甚見嘉納改左司諫歷駕部員外郎河北轉運
使貝州驍捷卒五十餘人劫庫兵為亂嗣宗率兵悉擒
之遷虞部郎中賜錢百萬又歷比部郎中淮南轉運使
江浙荆湖發運使楊楚習民有疾惑禱祠不餌藥嗣宗
徹淫廟刻名方州門民俗為變咸平中以漕運稱職進
秩逾年進右諫議大夫為三司戶部使改鹽鐵使條上
應奉諸物以及工作減省凡數十萬計改左諫議大夫
知通進銀臺司兼門下封駁事出知并州兼并代部署
州有臥龍王廟每窮冬闔境致祭值風雪老幼道踣嗣
宗亟毀之政績聞有詔褒美召拜御史中丞後加兼工
部侍郎權判吏部銓每進見極談當時鉅細事頗輕險
好進深詆參知政事馮拯之短遂結宰相王旦弟旭使
達意為助旦不之與力庇拯嗣宗大怒知制誥王曾從
妹適孔冕家閨門不睦曾從東封過冕啜茗中毒得良
藥乃解事已暴露曾密疏方行大禮願罷推究宰相亦
以冕先聖後將有褒懼乃隱其事嗣宗獨謂曾誣構懼

反坐乃求寢息會愆雨嗣宗請對言孔冕負冤真宗召詰王旦等具以實對嗣宗理屈復以他辭侵旦旦不與抗乃已明年嗣宗復請對言孔冕冤播人口王曾尚居近班臣請露章以聞帝以語王旦等王欽若曰臣請審問嗣宗若再鞫冕不能自隱何以處之明日嗣宗復對且謝前言之失其強妄多此類將祀汾陰以求興重地思得大臣才兼文武者鎮之拜耀州觀察使知永興軍府真宗作詩寵行時种放得告歸山嗣宗逆於傳舍禮之甚厚放霑醉稍倨嗣宗怒以語譏放放曰君以手搏得狀元耳何足道也初嗣宗就試講武殿搏趙昌言帽擢首科故放及之嗣宗愧恨因上疏言所部兼并之家十餘族而放爲之首放弟姪無賴奪編昨厚利願以臣疏下放賜放終南田百畝徙放嵩山疏辭極詬辱至目放爲魑魅帝方厚待放令徙居高陽避之既而徙知邠州兼邠寧環慶路都部署城東有靈應公廟竝山群狐處焉妖巫挾之爲人禍福前此長吏皆先謁廟然後視事嗣宗毀其廟燻穴得數十狐盡殺之徙鎮州代邊肅發肅不法事肅坐貶嗣宗嘗言徙种放掘邠狐按邊肅爲去三害居二歲擢樞密副使檢校太保與樞密使寇準不叶累表解職授太傅大同軍節度知許州歷陝州

再表請老且求入覲遣使召還改靜難軍節度以病足
求再知許州不復議休退時寇準為相命以左屯衛上
將軍檢校太尉致仕嗣宗睦於宗族撫諸姪如已子遺
戒勿得析居令以孝經弓劍筆硯置墻中卒年七十八
贈侍中諡景莊嗣宗事三朝最為宿舊所至以嚴明御
下尤傲狠凌挫羣類為中丞日忿宋白郭贄邢昺七十
不請老屢請真宗敕其休致又遣親屬諷激之及嗣宗
晚歲疾甚猶享厚祿徘徊不去嘗謂人曰僕惟此一事
未能免物議云所著有中陵子三十卷

李昌齡字天錫楚立人第進士歷右贊善大夫通判銀

州京城開金明池昌齡獻詩百韻太宗嘉之擢右拾遺
道史館改右補闕出知滁州歷戶部員外郎知廣州廣
有海舶之饒有言其貪者太宗以為誣累擢御史中丞
參知政事昌齡居位頗異悞無所建明真宗即位加戶
部侍郎坐交結王繼恩貶咸平二年起為殿中少監王
均之亂命知梓州知雜御史范正辭劾其廣舶宿犯亟
代還知河陽丁外艱起復以疾求領小郡復得光州就
改光祿卿尋請致仕帝曰昌齡素無清譽乃授祕書監
遂其請弟昌言至太子中舍昌言子晉卿仲卿耀卿竝
進士及第從子紘

紘字仲綱進士及第歷官監察御史時召成都府樂工許朝天等補教坊紘言陛下即位尚不能顯巖穴之士而首召伶人非所以廣德美於天下朝天等遂罷歸紘踐歷中外遷至龍圖閣直學士知秦州卒紘方介有吏材篤於交游與劉顏為友顏死移任子恩官其子弟起家三班借職累遷榮州刺史知雄州治兵頗嚴不事廚傳數與宦者爭利害積公使錢貯米三千斛為常平倉奏下其法他州遷西上閣門使留再任卒

趙安仁字樂道洛陽人父孚字大信周顯德初第進士任宋為永寧令有治狀擢宗正丞開寶初置衣庫令孚之俄坐事抵罪語在趙普傳中太宗即位起為國子監丞知袁州還知開封府司錄參軍事朝廷議行封禪孚上封禪頌召拜秘書丞賜緋魚受詔鞫開封獄得其罪辜者即日授推官遷監察御史出知舒州改殿中侍御史雍熙中詔詢文武禦戎之策孚奏議以為近鑒唐高祖之降禮遠法周古公之讓地諭以禍福示以恩威議定邊疆永息征戰養民事天濟時利物莫過於此上嘉之會上賜安仁金紫因問孚年幾安仁對曰臣父年六十二上曰孚名士也亟召對亦賜金紫未幾卒安仁早以文藝稱雍熙二年登進士第歷著作佐郎直集賢

院太宗製九絃琴五絃阮時多獻賦頌上嘉文物之盛
悉閱覽訂其工拙時稱安仁李諤揚億辭雅贍召詣中
書獎諭翌日改遷太常丞真宗卽位拜右正言上出師
大名安仁上疏以爲有急務者三大要者五歷工部員
外郎充翰林學士北邊請盟命安仁撰答書獨記太祖
時聘問書式遼使韓杞至首命接伴凡覲見儀制多所
裁定姚東之至又令接伴東之談次頗矜兵強戰勝安
仁曰佳兵不祥之器聖人不得已而用之東之不敢復
言時論翕然稱其得體上自是有意柄用安仁又集和
好以來事宜及采古事作戴斗懷柔錄三卷以獻未幾
以右諫議大夫參知政事大中祥符初議封禪與王欽
若竝爲泰山經度制置使判兗州禮畢復拜工部侍郎
進秩刑部兵部仍兼脩史奉祀又同知禮儀院八年知
貢舉三典春闈擇士平允是故獨無譏訕上再賜詩嘉
之尋知兼宗正卿寺掌王牒安仁重加詳定又爲仙源
積慶圖皆統例精簡史成遷右丞又爲景靈宮副使屢
得對言事改御史中丞卒年六十一贈吏部尚書謚文
定錄其子溫瑜良規承裕安仁質直純慤與物無競家
人僕使未嘗見其喜愠雖至顯寵簡儉若平素時閱典
籍手自讎校三館舊闕虞世南北堂書鈔惟安仁家有

本真宗嘉其好古尤知典故喜誨誘後進成其聲名當世推重之有集五十卷子尚寬在循吏傳

良規字元甫以父任登仕張知白薦之召試賜進士及第積官至尚書工部侍郎知濠州卒良規所至州郡爲政不甚力然善委任佐屬祿賜多分贍族人餘皆輸之酒家子君錫

君錫字無愧性至孝母亡事父良規不違左右夜則寢於傍凡衾裯薄厚衣服寒溫藥石精粗飲食旨否櫛髮剪爪整冠結帶如內則所載者無不親之及登進士第以親故不願仕良規每出必扶掖上下至雜立業中

爲法良規沒調知武強縣歷擢給事中論蔡確章惇不宜復職大河不可輕議東回蘇軾不可使去朝廷進刑部侍郎樞密都承旨拜御史中丞君錫素有志行後隨人低昂無大建明賈易劾題詩怨謗君錫卽請正軾罪宣仁后不悅曰君錫全無執守復以吏部侍郎天章閣待制知鄭陳澶三州河南府徙應天因清明出郊具奠謁杜衍張昇張方平趙槩王堯臣蔡抗蔡挺之瑩邀七家子孫陪祭於側時人傳其風義紹聖中貶少府少監分司南京卒贈徽猷閣直學士

陳彭年字永年撫州人幼好學年十三著皇綱論萬餘言為江左名輩所賞在場屋間頗有雋名然佻薄好嘲詠頗為宋白所黜雍熙二年始中第歷遷祕書郎喬惟岳刺史海州及知蘇壽二州竝表彭年通判州事咸平三年屢上疏言事召試學士院遷祕書丞知金州四年上疏曰夫事有雖小而可以建大功理有雖近而可以為遠計者其事有五一日置諫官二日擇法吏三日簡格令四曰省冗員五日行公舉景德初代還直史館兼崇文院檢討又代潘慎脩起居注獻大寶箴三年遷右正言充龍圖閣待制大中祥符中附王欽若丁謂議定封禪儀注辨正包茅之用累遷右諫議大夫兼祕書監賜勳上柱國嘗因奏對真宗謂之曰儒術汗隆係國家崇替又謂君之難由乎聽受臣之不易在乎忠直彭年曰陛下聖言精詣足使天下知訓願躬演睿思著之篇翰真宗為製崇儒術為君難為臣不易三論示之彭年復請示輔臣刻石國子監六年召入翰林充學士兼龍圖閣學士同脩國史彭年嘗謁王旦旦辭不見翌日見向敏中敏中以彭年所上文字示旦旦瞑目不覽曰是不過興建符瑞圖進取耳真宗奉祀亳州太清宮丁謂為經度制置使以彭年副之又與謂同知禮儀院又為

天書同刻玉副使擢至刑部侍郎參知政事判禮儀院充會靈觀使天禧大禮為天書儀衛副使又為參詳儀制用寶使進兵部侍郎卒上臨哭久之又覩所居陋弊歎息數四贈右僕射諡文僖錄其子孫彭年性敏給博聞強記慕唐四子為文體制繁靡位至通顯奉養無異貧約所得奉賜惟市書籍朝廷典禮無不參預刑名之學皆所詳練若前世所未有必推引依據以成就之故時政大小日有諮訪應答該辯一無疑滯皆與真宗意諧內閣專任形神皆耗舉止失措顛倒冠服家人有不記其名者所著文集百卷唐紀四十卷

論曰楊礪以際會躋顯榮未聞佐時明略獨棄官將母庶云克孝宋湜優文藝名動人主至於樂善好施繫天下士大夫之心其高誼何如趙安仁匪直才辨臣平居簡儉精典籍後進賴以造就斯盛德君子歟王嗣宗才兼文武所至克舉其職然性剛凌人年耆戀祿可謂不遜而鮮恥矣李昌齡初緣獻詩蒙主眷物議不能搖其後竟以徇貨黨邪取敗倖可以屢僥乎陳彭年附王欽若丁謂輩興符瑞以蕩上心世號五鬼奚用嗜學詳儀制為哉

韓丕

師頌

張茂直

身身系終卷十三

梁顥 子固

楊徽之 楊澈

呂文仲 王著附

呂祐之

潘慎脩

杜鎬

韓丕字太簡華州鄭人父杲仕晉為曲陽縣主簿陷於契丹母改適他氏丕幼孤貧有操尚讀書于驪山嵩陽通周易禮記為人講說常有山林之志太宗朝第進士聲名籍甚嘗著孟母碑返魯頌人多諷誦之解褐大理評事通判衡州石熙載薦其文行代還試中書擢著作佐郎直史館賜緋魚未幾改左拾遺遷職方員外郎知制誥又加虞部郎中丕屬思艱澀及典書命傷於稽緩宰相宋琪性褊急常加督責又舍人王祐以前輩負氣每陵轍面折之丕不能平乃表求外郡知虢州就改方郎中端拱初拜右諫議大夫賜金紫知河陽濠州丕起寒素以冲澹自處不奔競於名宦太宗甚嘉重之後召入為翰林學士終以遲鈍不敏於用俄罷職充集賢殿脩撰知均州歷知滁州就加禮部侍郎卒丕純厚畏慎似不能言者雖不優吏事能以清介自持時稱其長者云

師頌字霄遠內黃人父均後唐長興二年進士頌少篤學與兄頌齊名建隆二年舉進士上第累遷監察御史通判未與軍府坐秦王廷美假公帑緡錢左授乾州團

宋史卷一百一十五

二

練副使歷殿中侍御史知資眉二州頌所至以簡靜為治蜀人便之代還遷侍御史知安州賜緡錢二十萬移朗州超拜工部郎中命知陝州賜金紫改刑部郎中未幾召還真宗以其舊人素負才望而又次于外累召對詢其文章頌謙遜自晦益嘉之命以本官知制誥兼史館脩撰歷翰林學士知審官院通進銀臺封駁司兩典貢舉卒年六十七詔遣官護葬給其子仲回祕書丞奉終喪頌曠達夷雅措紳慕其操尚有集十卷仲回進士及第

張茂直字林宗兗州瑕丘人開寶二年登進士第歷秘書丞參知政事李至稱其端實命入益王府為記室監益王好學嘗遣使徵詩授筆而就真宗居藩時茂直與朱昂並在諸王府每預宴集屢因酬唱識其名即位選用舊臣得茂直及昂與梁周翰師頌輩相繼知制誥茂直淳至寡言晚年多疾才思梗澀不稱職致祕書少監知潁州卒年七十五子成列進士及第

梁顥字太素須城人初舉進士不中第留闕下獻疏謂方今科名之設俊造畢臻奈何所取不出於詩賦策論其間闕耳妄進濫廁科場者間亦有之聖人在上內君子而外小人若薰蕕同器甚非所以正人倫厚風俗也

不報雍熙二年復舉進士賜甲科解褐大名府觀察推
 官歷開封府推官三司關西道判官轉太常博士丁內
 艱起令赴職改右司諫真宗初詔群臣言事顯時使陝
 西途中作聽政箴以獻還為度支判官咸平中扈蹕大
 名詔訪群臣邊事顯上疏曰臣聞用兵之道在明賞罰
 兵法曰罰之不行譬如驕子之不可用又曰善為將者
 威振敵國令行三軍昨者傳潛逗撓無謀守陴翫寇遂
 至殘妖未殄鑿輅親征此所謂以賊遺君父者也乃或
 赦而不問則何以謝橫死之民恢用兵之略臣嘗讀史
 率廣之屯兵行師也無部伍行陣就善水草人人自便

不擊刁斗以自衛而廣名將士卒樂用又唐高祖
 之備北邊也選勁兵為游騎不齎軍糧隨逐水草遇敵
 則殺當時以為得策願於邊將中擇武勇諫略素為眾
 所惟服者取十人焉人付騎士五千器甲完備輕齎糧
 糗逐水草以為利往復扞禦遇有寇兵隨時掩捕仍令
 烽候相望交相救應緣邊州郡守城兵帥即堅壁以待
 之遇游騎近城掩殺邊寇內量出兵甲援救如此則乘
 城者不堅閉壘門免坐觀於勝負捍邊者不苟依郡郭
 可行備於寇攘雖匪良籌且殊膠柱時論頗稱之遷至
 翰林學士同知審官院三班景德元年權知開封府顯

閨門雍睦與人交久而無改士大夫多之恭卒年九十
二上軫惻賜贈加等有集十五卷子固述適別傳

固字仲堅幼有志節嘗著漢春秋類器賞之以遺蔭賜
進士出身服闋讓前命願赴鄉舉許之大中祥符元年

舉服勤詞學科擢甲第解褐將作監丞同判密州歷戶
部判官判戶部勾院為人氣調後爽善與人交疎財慷

慨尚氣義明於吏道嘗詔鞫獄時稱平審天禧大禮成
奏頌甚工無幾卒年三十三有集十卷

楊徽之字仲猷浦城人周顯德中舉進士甲科同時登
第者十六人世宗命覆試惟徽之與李覃何曦趙麟

中選解褐校書郎集賢校理歷知全州就遷左拾遺右
補闕太平興國初代還太宗素聞其詩名因索所著徽

之以數百篇奏御且獻詩為謝有十年流落今何幸叨
遇君王問姓名語帝稱賞累遷庫部員外郎判南曹同

知京朝官差遣會詔李昉等采輯前代文字類為文苑
英華以徽之精於風雅分命編詩為百八十卷歷拜左

諫議大夫知許州入判史館事加脩撰因次對上言陛
下取士之道亦已至矣然擅文章者多超遷明經業者

罕殊用且京師四方之會太學首善之地五經博士竝
闕其員非所以崇教化獎人材繇內及外之道也帝嘉

納之未幾改判集賢院坐董儼傾劉昌言出為鎮安軍
 行軍司馬事在張洎傳真宗尹開封召為左諫議大夫
 與畢士安竝充府判官東宮建屬又兼左庶子即位拜
 工部侍郎樞密直學士俄兼祕書監咸平初加禮部侍
 郎二年春以衰疾求解近職改兵部仍兼祕書監入謝
 命坐勞之曰圖書之府清淨無事俾卿得以養性也是
 秋特置翰林侍讀學士命與夏侯嶠呂文仲竝為之賜
 宴祕閣且褒以詩得疾請告卒年八十贈兵部尚書徽
 之純厚清介尚名教疾非道以干進者嘗言溫仲舒寇
 準用搏擊取貴位使後輩務習趨競禮俗衰薄世謂其
 知言徽之寡諧於俗唯李昉王祐深所稱服與石廪穀
 李穆賈黃中為文義友自為郎官御史朝廷即待以舊
 德善談論多識典故唐室以來士族人物悉能詳記酷
 好吟詠每對客論詩終日忘倦有集二十卷

澈字晏如徽之宗人也徙青州之北海建隆初第進士
 實儀典貢部謂澈文詞敏速可當書檄之任調補河內
 主簿再遷青州司戶參軍知州張全操多不法澈鞫獄
 平允無所阿畏太祖知其名召試禁中改著作佐郎出
 知渠州江南平改通判虔州令就大將曹彬分兵以行
 既入境偽帥郭再興擁兵自固澈單騎直趨其壘諭以

宋史卷一百一十五
朝廷威信再興卽奉符以代土豪黎羅二姓聚衆謀亂
澈率兵平之擒二豪械送闕下遷右贊善大夫知淄州
求便侍養徙同判青州三遷祠部員外郎復知淄州又
知舒州累轉祠部郎中咸平初選爲雍王府記室參軍
加度支郎中景德初選兵部郎中充留守判官坐輔導
不善免官未幾起爲祠部郎中卒年七十四子巒淳化
進士

呂文仲字子臧新安人父裕僞唐歙州錄事參軍文仲
在江左第進士調補臨川尉再遷大理評事掌宗室書
奏入朝授太常寺太祝稍遷著作佐郎太平興國中充
翰林侍讀直御書院兼侍書王著更宿時書學高深
亦直禁中太宗暇日每從容問文仲以書史著以筆法
滯以字學歷左諫議大夫與陳堯叟並兼關西巡撫使
特內品方保吉專幹權酷威制郡縣訟其掎克者甚衆
文仲等具奏其實反爲保吉所訟文仲素巽懦且恥與
保吉辯對因誣伏遂罷職旣而太宗知其由復令直祕
閣踰月再爲侍讀遷起居舍人兵部員外郎同判吏部
銓知銀臺通進封駁司審官院咸平三年拜工部郎中
充翰林侍讀學士又知審刑院六年授御史中丞景德
中鞫曹州姦民趙諫欲諫多與士大夫交遊內出姓名

七十餘人令悉窮治文仲請對言中司之職非徒繩糾
愆違亦當顧國家大體但籍其名更察其為人置於冗
散或舉選對敷之日擯斥之未為晚也上從其言三年
遷工部侍郎復為翰林侍讀學士明年改刑部侍郎充
集賢院學士卒文仲富詞學器韻淹雅其使高麗也善
應對清淨無所求遠俗悅之有集十卷

王著字知微成都人偽蜀明經及第歷平泉百丈永康
主簿蜀平赴闕授隆平主簿太宗以字書訛舛欲令學
士刪定少通習者轉運使侯陟以著名聞改衛寺丞史
館祗候委以詳定篇韻加著作佐郎翰林侍書與侍讀
更直于御書院遷至左拾遺殿中侍御史卒

呂祐之字元吉鉅野人第進士歷右補闕直史館同判
吏部南曹遷起居舍人端拱中副呂端使高麗假內庫
錢五十萬以辦裝還遇風濤舟欲覆祐之悉取所得貨
沉之即止復獻海外草皇澤詩十九首太宗嘉之仍蠲
其所貸歷知制誥拜右諫議大夫賜金紫知審官院出
知襄州徙壽州真宗歷拜工部侍郎翰林侍讀學士自
置侍讀侍講甚艱其選至是裁七人祐之純謹長者不
喜趨競所至無顯譽備顧問不能有所啓發出為集賢
院學士仍遷刑部侍郎卒年六十一有集二十卷

潘慎脩字成德莆田縣人父承祐仕閩後歸江南仕李景至刑部尚書慎脩少以父任爲祕書省正字累遷至水部郎中兼起居舍人煜歸朝以慎脩爲太子右贊善大夫煜表求慎脩掌記室許之煜卒改太常博士歷考功員外郎出補外以薦知直祕閣慎脩善奕棊太宗屢召對奕因作棊說以獻大抵謂棊之道在乎恬默而取舍爲急仁則能全義則能守禮則能變智則能兼信則能克君子知斯五者庶幾可以言棊矣因舉十要以明其義累遷至右諫議大夫翰林侍讀學士卒年六十九

真宗閱之錄其子汝士汝礪慎脩風度

頗持前輩待後進倨慢人以此少之有集五卷

杜鎬字文川無錫人父昌業南唐虞部員外郎鎬舉明經解褐集賢校理入直澄心堂江南平授千乘縣主簿太宗卽位歷祕閣校理虞部員外郎帝問西漢賜與悉用黃金近代爲難得之貨何也鎬曰是時佛事未興故金價甚賤累遷直祕閣景德初置龍圖閣待制因以命錫鎬加都官郎中從幸澶淵遇懿德皇后忌日疑軍中鼓吹之禮時鎬先還備儀仗命馳騎問之鎬以武王載木主伐紂前歌後舞爲對四年拜右諫議大夫龍圖閣

直學士賜襲衣金帶時特置此職儒者榮之大中祥符
中命鎬同詳定東封儀注遷給事中已又置本閣學士
遷鎬工部侍郎充其職進禮部侍郎卒年七十六錄子
渥及三孫官鎬博聞強記士大夫有所著撰多訪以古
事雖晚輩卑品請益應答無倦年踰五十猶日治經史
數十卷或寓直館中四鼓則起誦春秋性和易清素有
懿行所居僻陋僅庇風雨二十載不遷徙云

論曰宋承舊制設知制誥以代王言後又置翰林侍讀
侍講學士且因內閣增職名俾更直迭宿以備顧問數
者皆屬之鴻碩之儒要之均有繩糾輔導之責不特釋
文義摘詞藻而已冲澹如韓不夷曠如白元厚如張

茂直明敏如梁顥淹雅如呂文仲醞藉如潘慎脩清素
如杜鎬置之左右豈不有裨若呂祐之不喜趨競楊徽
之深疾倖進又重為士風助云

宋史新編卷八十三

楊億字大年浦城人少有毛被體長尺餘經月乃落七歲能屬文年十一太宗詔送闕下連三日得對試詩賦五篇立成太宗嘉賞命內侍送至中書又賦詩一章宰相驚其俊異上章為賀翌日下制曰汝方髫鬣不由師訓精爽神助文字生知越景絕塵一日千里予有望於汝也授祕書省正字賜袍笏外艱服除依從祖徽之於許州益務學不倦徽之深器焉淳化中詣闕獻文改太

宋史新編卷八十四

列傳二十六

明南京戶部主事莆田柯維騏編

楊億弟偉從子敏

晁迥字宗慤

劉筠

薛映

楊億字大年浦城人少有毛被體長尺餘經月乃落七歲能屬文年十一太宗詔送闕下連三日得對試詩賦五篇立成太宗嘉賞命內侍送至中書又賦詩一章宰相驚其俊異上章為賀翌日下制曰汝方髫鬣不由師訓精爽神助文字生知越景絕塵一日千里予有望於汝也授祕書省正字賜袍笏外艱服除依從祖徽之於許州益務學不倦徽之深器焉淳化中詣闕獻文改太

常寺奉禮郎仍令讀書祕閣獻二京賦命試翰林賜進士第遷光祿寺丞屬後苑賞花曲宴召賦詩億又上金明池頌明年曲宴復以詩獻即命直集賢院至道初帝親製九絃琴五絃阮諸文士獻頌獨稱億為優賜緋魚二年遷著作佐郎帝知其貧屢有需賚真宗立超拜左正言固請外補就養知處州召還拜左司諫知制誥賜金紫西鄙朱寧詔近臣議靈州棄守億上疏曰臣嘗讀史見漢武北築朔方平津侯諫以為罷弊中國以奉無用之地上使朱買臣等發十策以難不能對臣以為平津賢相非不能折買臣之舌蓋所以將順人君之意也今靈州蓋朔方故墟自邊境屢驚兇黨猖熾曹光實守榮馬紹忠及王榮之敗資糧靡獲所失至多將士丁夫相枕而死平津所言正今日謂也買相之建議棄朱崖當時公卿亦有異論元帝力排眾說下詔廢之人頌其德臣以為類靈武也必以失地為言即燕薊八州河湟五郡所失多矣何必此為景德初歷判史館三年召為翰林學士又同脩國史大中祥符中嘗以疾在告遣中使致醫視之億剛介寡合當時文士咸賴題品或被賤議者退多怨謗王欽若銜之屢抉其失陳彭年忘億名出其右相與毀訾上皆不惑其說上欲立劉德妃為

后大臣諫不從欲得億草制億難之乃命他學士焉億請歸省母不待報而行上親緘藥劑加金帛以賜素體羸至是以病請解官有疾憲官劾億授太常少卿分司西京許就所居養療嘗作君可思賦以抒忠憤歷知禮儀院判祕閣太常寺天禧二年拜工部侍郎明年權同知貢舉坐考校差謬降祕書監丁內艱屬行郊禮以億典司禮樂起復工部侍郎令視事未幾復為翰林學士又兼史館修撰判館事權景靈宮副使卒年五十七億文格雄健才思敏捷對客揮翰不輟細書起草一幅數千言不加點竄學者翕然宗之朝廷典章制度及用府

元氣固已變例多億所定人有片辭可紀必為諷誦手集當世述作為筆苑時文錄數千篇性尚名節常周給親友故廩祿隨而盡留心釋典禪觀之學所著括蒼武夷頴陰韓城退居汝陽蓬山冠鰲等集內外制刀筆共一百九十四卷無子以從子紘為後弟偉

偉字子奇天禧元年獻頌召試學士院賜進士及第歷集賢校理通判單州會部卒李素合州卒二百餘人謀殺巡檢使入鼓角門偉挺身往問曰若屬皆有父母妻子以一朝忿而欲魚肉之乎悉令投兵籍首惡得十餘人斬之累遷知制誥權諫院嘗曰諫臣宜陳列大事細

故何足論然當時譏其亡補遷刑部郎中為翰林學士
進至中書舍人卒贈尚書禮部侍郎

紘字望之用蔭登仕歷官知鄆縣以億文獻賜進士出
身累擢提點江東刑獄除轉運按察使紘御下急與王
鼎王綽號江東三虎坐降知衡州徙越州至太常少卿
卒紘性嚴雖家居兒女不敢妄言笑聚書數萬卷手抄
事實名窺豹篇

晁迥字明遠澶州人第進士歷右正言直史館獻咸平
新書五十篇又獻理樞一篇召試除右司諫知制誥累

擢翰林學士尚書工部侍郎使契丹還奏北庭記加史
館脩撰知通進銀臺司獻玉清昭應宮頌其子宗操

上景靈宮慶成歌真宗嘆為措紳間美事歷拜工部尚
書集賢院學士判西京留司御史臺賜一子官河南以

就養仁宗遷禮部尚書以太子少保致仕天聖中迥年
八十一召宴太清樓子宗慙為知制誥同預宴寵賚甚

厚進太子少傅後復召對訪以洪範雨暘之應既而獻
斧戾慎刑箴大順審刑無盡燈頌凡五篇卒年八十四

贈太子太保諡文元迥性樂易寬簡服道履正貴勢無
所屈真宗數稱其好學長者楊億嘗謂迥書命無過褒

得代言之體喜質正經史疑義標括字類有以術命語

迴迴曰自然之分天命也樂天不憂知命也推理安常
委命也何必逆計未然乎所著翰林集等書

宗慤字世良以蔭爲祕書省校書郎屢獻歌頌召試賜
進士及第又除館閣校勘歷通判許州仁宗立累遷尚
書祠部員外郎知制誥宋綬嘗謂自唐以來唯楊於陵
身見其子嗣復繼掌書命今始有晁迴焉奪父喪管勾
會靈觀入翰林爲學士母亡又起復擢至參知政事以
疾數求罷除資政殿學士給事中數日卒贈工部尚書
謚文莊宗慤性敦厚至孝篤於故舊凡任子恩皆先其
族人在翰林一夕草將相五制褒揚訓戒人得新直堂

密訪邊策陳七事頗施用之

劉筠字子儀大名人第進士歷祕閣校理真宗時四方
獻符瑞筠數上賦頌累遷翰林學士筠嘗草丁謂與李
迪罷相制旣而謂復留令別草制筠不奉詔乃更召晏
殊筠自院出遇殊樞密院南門殊愧側面而過帝久疾
謂浸擅權筠曰姦人用事安可一日居此請補外以右
諫議大夫知廬州仁宗卽位累進翰林學士承旨兼龍
圖閣直學士同脩國史判尚書都省筠素愛廬江遂築
室城中構閣藏前後所賜書帝飛白書曰真宗聖文祕
奉之閣再知廬州營塚墓作棺自爲銘刻之旣病徙于

先史系錄卷之四
五
書閣卒筠景德以來居文翰之選其文辭善對偶尤工
爲詩初爲楊億所識拔後遂與齊名時號楊劉凡三人
禁林又三典貢部以策論升降天下士自筠始性不苟
合臨事明達而其治尚簡嚴晚爲陽翟同姓富人奏求
恩澤清議少之著書凡七集一子蚤卒田廬沒官包拯
少爲筠所知及拯顯奏爲立後還所沒產云

薛映字景陽唐中書令元超八世孫後家于蜀父允中
事孟氏爲給事中歸朝爲尚書都官郎中映進士及第
歷右諫議大夫知杭州映臨決盜銳庭無留事轉運使
映移屬州當直司母得輒斷徒以上罪映即奏情狀

荷明似必繫獄以累和氣請詔天下凡徒流罪於長吏
前對辨無所異聽遣決從之與鉉既不協遂發鉉納部
內女口等事鉉坐貶連州文學映亦坐常召人取告鉉
狀當贖金真宗特賞之歷尚書左丞知揚州并州求興
軍拜工部尚書兼御史中丞仁宗卽位遷禮部再爲集
賢院學士判院事知曹州分司南京卒贈右僕射謚文
恭映好學有文該覽強記善筆札章奏尺牘下筆立成
爲治嚴明吏不能欺每五鼓冠帶黎明據案決事雖寒
暑無一日異也

論曰自古負高才能文章者率不能有樹立若楊億劉

筠竝擅一代文宗而挺挺大節羞效世俗浮沉以邀榮利此豈恒得哉筠陷富人之謗乃同姓不避嫌所致以彼辭華耽寂達生俟死尚復何求乎晁迥醞藉善書命躬直道不為貴勢屈揚劉之亞歟薛映苟非私忿累德其文學吏治亦豈可少哉

謝泌 弟謹 朱台符 戚綸

張去華 子師德 樂黃目 柴成務

謝泌字宗源歙州人少好學有志操第進士累遷殿中

獻所著文十篇古今類要三十卷召試中書以直史

路補堯泌抗疏陳其不可復言國家圖書多失次序應

嘗分經史子集為四庫望遵復故事從之遂以泌知集

庫改左正言淳化中帝以王禹偁請詔庶官候謁宰相

須朝罷於政事堂樞密使預坐接見泌上言書曰任賢

勿貳去邪勿疑張說謂姚元崇曰外則踈而接物內則

謹以事君此真大臣之體陛下以聰明寄於輔臣自非

接下何以悉知外事且陛下囊括宇宙總攬英豪朝廷

無巧言之士方面無姑息之臣奈何疑執政為衰世之

事乎帝即追還前詔會修正殿施采繪泌復上疏亟命

代以丹墜且喜其忠蓋拜左司諫賜金紫錢三十萬他

日得對便殿又獎其任直敢言俄判三司鹽鐵勾院奉
 詔解送國學舉人黜落既多羣聚喧詬懷甍以伺泌出
 泌請對自陳特授虞部員外郎兼侍御史知雜事蓋騶
 導嚴肅都人畏避也上元觀燈泌特預召自是為例歷
 知三班通進銀臺司出知湖州再遷主客郎中知魏州
 真宗初邊人屢寇泌上疏曰臣竊惟聖心所切者欲天
 下朝夕太平爾雍熙末趙普錄唐姚崇太平十事以獻
 時稱政治之策無出於此臣以為先朝未盡行者俟陛
 下爾議者或謂方今用兵異於開元且開元邊戎孔熾
 關皇卒與之和至如漢高祖亦然此皆屈已以寧天下
 豈以輕大國而競小忿乎臣又聞成康刑措由任周召
 文景清靜不易蕭曹明皇太平亦資姚宋夫精練國政
 酌斟王度未聞市井之胥走塵之吏可當其任也惟陛
 下察往古用賢致治之道則賢者亦必盡忠竭力以輔
 成太平之治矣存歷中外遷至太常少卿右諫議大夫
 判吏部銓卒年六十三泌性端直為政有惠愛最後知
 福州代還民刻石紀去思頗好方外之學疾革服道士
 服端坐而逝

孫何字漢公汝陽人父庸字鼎臣顯德中獻贊聖策九
 篇引唐貞觀所行事以魏玄成自况命中書試補開封

孫何字漢公汝陽人父庸字鼎臣顯德中獻贊聖策九篇引唐貞觀所行事以魏玄成自况命中書試補開封

兵曹掾歷殿中丞知龍州卒何篤學嗜古爲文必本經
義在貢籍中甚有聲與丁謂齊名舉進士甲科歷右司
諫真宗初獻五議一請擇儒臣有方略者統兵二請世
祿之家肄業太學寒雋之士州郡推薦禁投贄自媒三
請復制舉四請行鄉飲酒禮五請以能授官勿以恩慶
例遷上覽而善之咸平二年舉入閣故事何次當待制
獻疏曰六卿分職邦家之大柄也唐之盛時亦不聞分
利權勅使額及玄宗侈心旣明租調不充於是蕭景楊
釗始以地官判度支而宇文融爲租調地稅使遂開利
孔以構禍階至于肅代則有司之職盡廢而言利之臣
擅臂於其間矣五代短促曾莫是思今國家三聖相承
五兵不試太平之業垂統立制在此時也所宜三部使
額還之六卿則進無培克之慮退有詳練之名周官唐
式可以復矣是冬從幸大名詔訪邊事何上疏謂脾羶
得計蛇豕肆行焚劫我郡縣係累我黎庶陛下爰御六
師親幸澶魏雖鎮定道路已通而德棣烽塵未息此殆
將帥或未得人邊奏或有壅闕鄰境不相救援糗糧須
俟轉輸之所致也擇將帥則莫若文武之內叅用謀臣
防壅闕則莫若凡奏邊防陛見庭問合救援則莫若督
以軍令聽其便宜運糗糧則莫若輕齎疾驅角彼趨捷

且蜂蠱有毒豺狼無厭今契丹西畏大兵北無歸路獸窮則搏物不可輕餘孽尚或稽誅奔突亦宜預備及傳潛逗撓無功何又請斬潛以徇歷知制誥賜金紫掌三班院被疾賜告遣醫診視醫勉其然文何答曰死生有命竟不聽卒年四十四何樂名教勤接士類然性下急不能容物浙右專務峻刻州郡病焉著駁史通十餘篇有集四十卷第僅侑

僅字鄰幾少勤學與何俱有名于時咸平元年進士甲科兄弟連冠首籍時人榮之解褐舒州團練推官會詔賢良方正之士僅策入第四等擢光祿寺丞直集賢院知汝儀縣歷左諫議大夫知河中府歸朝復知院又次進給事中卒年四十九有集五十卷僅性端慤中立無競篤於儒學士大夫推其履尚嘗使契丹適當通好之始館禮過腆僅悉裁而正之務令中度其後信使往復不易其制侑亦登進士第至殿中丞

朱台符字拱正眉山人父賦舉拔萃至殿中丞台符十歲能屬辭嘗作黃山樓記為當時所稱及長善詞賦太宗廷試貢士多擢敏速者台符與同輩課試以尺畧成一賦登進士甲科歷京西轉運副使時北邊為梗台符奏曰蠻夷猾夏帝典所載商周而下數為邊害或振旅

宋史新編卷八十四
薄伐或和親脩好歷代經營斯為良策至於秦築長城而黔首叛漢絕大漠而海內虛逞志一時貽笑萬代此商鑒不遠也太祖深鑒往古與民休息深得制禦之道及太宗謀取幽薊師屢無功自茲益肆莫可禁止芻粟之飛輓金帛之委輸贍給賞賜不可勝數絲是國家之食貨匱於河朔矣陛下自天受命與物更始繼遷受節黎桓加爵咸命使者鎮撫其邦惟彼契丹未加溼澤非所以柔遠能邇昭王道之無偏也臣愚以為宜赦契丹罪擇一介使以脩和好利以貨財許以關市如太祖故事使之懷恩畏威可以專方西鄙是一舉而兩得也台符又自請往使時論躡之咸平二年春旱詔求直言台符歷疏時務優詔褒答歷拜工部員外郎度支判官景德初為陝西轉運賜金紫頗以刻碎為舉職與楊覃不協徙知郢州三年召還會執政有不喜者復出知洪州卒於舟次年四十二台符好學喜延譽後進有集三十卷子公佐及弟昌符俱登進士第戚綸字仲言楚立人父同文自有傳綸少與兄維以文行知名第進士歷知太和縣為諭民詩五十篇每歲時必與獄囚約遣歸祀其先皆如期而還遷光祿丞坐鞫獄陳州失實免官著理道評十二篇久之復授大理評

事知永嘉縣復爲光祿丞真宗卽位命爲祕閣校理詔館閣官以舊文獻上嘉綸所著特改太常丞俄判鼓司登聞院歷拜右正言龍圖閣待制賜金紫時初建是職與杜鎬竝命人皆榮之綸疏陳十事一曰王畿關輔二曰五等封建三曰復制科四曰崇國學五曰闢曠土六曰脩貢舉七曰任大臣八曰置平糴九曰益廩軍減禁兵十曰脩六典令式詞頗深切上爲嘉獎大中祥符元年掌吏部選事是冬封泰山命綸同計度發運事禮成遷戶部郎中直昭文館符制如故被詔同編東封祥瑞封禪記會峻待制之秩又兼集賢殿脩撰建議脩釋奠儀儀于天下立常平倉隸司農寺以平民糴皆從之三

年擢樞密直學士上寵以詩祀汾陰復領發運出知杭州就加左司郎中胡則時領發運嘗居杭肆縱不檢厚結李浦綸素惡之則時爲當塗者所昵因其捃摭綸過徙知揚州維揚亦浦則巡內持之益急求改僻郡徙徐州八年與劉綜竝罷學士授左諫議大夫代還復知青州徙鄆州王遵誨奏綸謫坐左遷岳州團練副使易和州改保靜軍副使是冬以疾求歸改太常少卿分司南京卒年六十八綸篤於古學善談名理喜言民政頗近迂闊事兄維友愛甚厚交游以信義著稱士子謁見

者必詢其所業訪其志尚隨才誘誨嘗云歸老後得十年在鄉間講習亦可以恢道濟世樂於薦士每一奏十數人皆當時知名士平生儉約既沒家無餘貲有集二十卷又前後奏議有機務利害備邊均田之策別爲論思集十卷分上下篇贈左諫議大夫

張去華字信臣開封人父誼字希賈好學不事產業詣洛陽龍門書院與宗人沆鑾湜結友故名聞都下長興中第進士歷仕晉漢至中書舍人貶均州司戶改房州司馬卒去華幼勵學敏於屬辭蔭補太廟齋郎周世宗平淮南去華時年十八嘆曰兵戰未息民事不脩非以

持久之術因著南征賦治民論獻行在召試授御史臺主簿屬三院議事不得預坐謂所親曰簿領之職非壯夫所爲卽棄歸鄭州杜門不出者三載建隆初始攜文遊京師太爲李昉所稱明年舉進士甲科拜祕書郎直史館以歲滿不遷上章自訴因言制誥張澹盧多遜殿中侍御史蘇頌文學膚淺願得校優劣太祖立召策試命陶穀等考之澹以所對不應問降秩擢去華爲右補闕朝議薄其躁進不遷秩者十六年後累遷京東轉運使歷左司員外郎禮部郎中太平興國七年爲江南轉運使雍熙中王師討幽州掌河北轉運事三年加陝

州未行著大政要錄三十篇以獻詔書褒美賜綵五十匹因留不遣會許王尹京命爲開封府判官就拜左諫議大夫因事貶安州司馬歷知晉州許州遷至祕書少監真宗立復拜左諫議大夫未幾遷給事中知杭州徙蘇州以疾求分司西京在洛葺園廬作中隱亭以見志改工部侍郎致仕卒年六十九去華美姿貌善談論有蘊藉頗尚氣節在營道得父同門生何氏二子教之學受代攜京師慰薦館鼓竝登仕籍嘗獻元元論以養民務稽爲急真宗嘉賞命書之繅素爲十八軸列龍圖閣四壁然不飭邊幅頗爲清議所貶有集十五卷

去華曰此兒必繼吾志真宗祀汾陰知河南府薛映薦其學行又獻汾陰大禮頌千行在是歲舉進士亦爲第一時人榮之系擢右正言知制誥判尚書刑部頃之出知潁州荐歷中外遷至吏部郎中既而拜左諫議大夫罷知制誥師德孝謹有家法不交權貴時相頗不之悅然亦多病在西掖九年不遷卒于官有文集十卷樂黃目字公禮宜黃人世仕江左李氏父史字子止入朝爲平原主簿舉進士太宗惜科第不與旣而復賜及第上書言事擢著作佐郎知陵州獻金明池賦召爲三

館編脩荐歷中外累遷至職方員外郎知商州史前後
臨民頗以賄聞俄告病聽解職分司西京咸平五年郊
祀表賀得召對直宗見其矍鑠不衰又知篤學盡取所
著書藏祕府復授舊職與黃目同在文館人以為榮後
判留司御史臺卒年七十八史在兩朝獻所著貢舉事
二十卷登科記三十卷題解卷十卷唐登科文選五十
卷孝弟錄二十卷續卓異記三卷廣孝傳五十卷總仙
記一百四十一卷廣孝新書五十卷上清文苑四十卷
所著又有太平寰宇記一百卷總記傳百三十卷坐知
天下記四十卷商顏雜錄廣卓異記各二十卷諸仙傳
二十五卷宋齊立文傳十三卷杏園集李白別集神仙
宮殿窟宅記各十卷掌上華夷圖一卷又編已所著為
仙洞集百卷史博而寡要云五帝三王皆仙去論者嗤
其詭誕黃目舉進士歷官判三司三勾院天禧初馬元
方奏黃目不舉職乃分三勾院以三人掌之遂罷任奉
朝請踰月拜兵部員外郎知制誥充會靈觀判官朝議
以黃目屬辭淹緩遷右諫議大夫權知開封府仁宗升
儲拜給事中兼左庶子歷知審官院以風疾題品乖當
改知通進銀臺司兼門下封駁事數月求外任得知亳
州卒年五十六黃目面柔簡默為吏處劇亦無敗事有

集五十卷又撰學海搜奇錄四十卷郡國志二十卷凡黃裳弟黃庭黃裳孫滋竝進士及第

柴成務字寶臣濟陰人父自牧第進士能詩至兵部員外郎成務乾德中京府拔解太宗素知其名首薦之遂中進士甲科歷戶部郎中為光祿少卿俄奉使高麗遠俗尚拘忌以月日未利拜恩稽留朝使成務貽書往反開諭大體國人信服後自京東轉運使召拜司封郎中知制誥時以宰相呂蒙正姻嫌辭職不許俄與魏庠同知京朝官考課又與庠同知給事中事蜀寇平使峽路安撫改左諫議大夫知河中府真宗即位遷給事中知梓州歷青州揚州尚書刑部本司小吏倨慢成務怒而笞之吏擊登聞鼓訴免有詔問狀成務嘆曰何面目據堂決事邪乃求解職卒年七十一成務有調學文集二十卷然為郡乏廉稱云

論曰謝泌朱台符孫何戚綸竝喜論建輒援古昔為言可以徵致君匡世之志矣張去華負才競進世少其浮薄樂黃目劇無敗事且著述世其家吏而儒者也孔門論士有曰奉使不辱命柴成務以之

東史新編卷八十四

東史新編卷八十四

